



新刊監本冊府元龜卷二百六十六

宗室部

五

儀貌
材藝

儀貌

洪範五事其二曰貌蓋所謂發乎容止著乎儀表者也矧乃託體霄極毓質扁禁粹靈攸蘊光華允集乃有竒姿雋影孤標傑出聳群庶之瞻仰增藩戚之焜耀至或風度間曠舉指詳緩威稜峻發眇眇雄毅斯固有儀可象望之儼然者已其於稟省魁恠方牘所記者亦備載云

後漢東平王蒼光武子為人美頰顙腰帶八圍明帝甚愛重之詔曰向者問東平王慶家何等最樂王言為善最樂其言甚大

副是腰腹矣

下邳王衍明帝子有容貌章帝即位常在左右

蠡吾侯翼章帝子河間土之後元初六年徵詣京師鄧太后奇翼美儀容以為平原懷王後

魏鄧哀王冲容貌姿美有殊於衆大祖特特見寵異

晉長沙王乂身長七尺

南陽王世子保體質豐偉嘗自稱重八百斤

清河康王遐字深度美容儀有精彩武帝愛之

宋廬陵王義真美儀貌神情秀徹

南郡王義宣白皙美鬚眉長七尺五寸腰帶十圍

南齊豫章王嶷身長七尺八寸善持容範文物衛從禮冠百僚

每出入殿省皆瞻望嚴肅

嶷弟宜都王鑑身長七尺狀似嶷咸以國器許之

隋郡王子隆年二十一而體過克壯常服蘆茹圓以自銷損

西陽王子明風姿明淨士女觀者咸嗟嘆之

臨汝侯坦之肥黑無鬚語聲嘶時人號為蕭瘞

恪弟定襄縣侯祗美風儀幼有令譽

鄱陽王範世子嗣容貌豐偉腰帶十圍

宜豐侯修為衛尉卿美姿貌每屯兵周圍武帝視之移輦臨川

靜惠王宏身長八尺美鬚眉容止可觀

永陽嗣王伯游美風神善玄言

安陸王大春簡文子體貌瓌偉腰帶十圍

武威王大威簡文子美風儀眉目如畫

陳衡陽王昌高祖子容貌偉麗精神秀朗

鄱陽王伯山字靜之文帝子偉容儀舉止閑雅喜愠不形於色
文帝深器之

新安王伯固文帝子生而龜背目通睛皙白形狀眇小而俊辯
善言論

建安王叔卿字子弼宣帝子性質直有材器容貌甚偉

宜都王叔明字子昭宣帝子儀容美麗舉止和弱狀若婦人

後魏上黨王天穆性和厚美形貌其子儼亦美才貌

華山王鷲容貌魁壯腰帶十圍

東陽王丕淮南王他淮陽王三人皆壯偉腰帶十圍大耳秀

鬚鬢班白百僚觀瞻莫不祇聳

望都公頽昭帝之後大武以頽美儀容進止可觀使迎左昭儀
於蠕蠕

秦明王翰子儀長七尺五寸容貌甚美髯

陽平王他身長八尺美姿貌

南平王霄身長九尺腰帶十圍容貌魁偉雅有風則氣白卓然
甄城縣伯禹淮南王顛之子容貌魁偉

章武王彬子融字永興儀貌壯麗衣冠甚偉性通率有豪氣為
人所憚

觀德王雄高祖族子美姿儀有氣度雍容閑雅進止可觀

齊王暕字出拙煬帝子美容儀踈眉目少為高祖所愛

趙王杲煬帝子聰令美容儀

燕王倓字仁安元德太子美姿儀煬帝於諸孫中特所鍾愛常置左右

建王侗字仁謹元德太子美子姿儀性寬厚

唐江王元祥高祖子體質洪太腰帶十圍飲啖亦兼數人時韓王元慶踞王鳳魏王恭狀貌亦偉不逮於元祥

滕王元嬰子涉狀貌類胡而豐碩

濮王泰太宗子帝以其腰腹洪太趨拜稍難令乘小輿至于朝所

申王撝睿宗子儀形瓌偉善於飲啖

夏悼王一玄宗子生而美秀帝鍾愛無比名之為一

永王璘玄宗子貌陋視物不正

晉高祖幼子重睿貌肖高祖故尤鍾愛

漢魏王承訓字德輝高祖之長子少溫厚美姿儀高祖尤鍾愛

材藝

周官保氏以六藝教國子仲尼有言曰游於藝又曰吾何執執御乎執射乎蓋夫生民之秀自天攸縱靡不能多者矣矧乃鍾靈帝胄毓質宗翰憑席深厚英華發越至有博綜衆藝精覈數術旁通懸解舉臻其妙蓋出夫性習之自然志行之餘力也雖異乎詩書之雅言信義之成德亦猶賢於飽食終日無所用心者歟

周周公旦多材多藝

漢楚元王交多材藝

永昌王健明元子姿貌魁壯所在征戰常有大功

臨淮王彧美風韻善進山衣冠之下雅有容則

京兆王恂字魏慶美容貌風望儼然

城陽王鸞字宣明身長八尺腰帶十圍

北海王詳字李豫美容儀善舉止

陽平王新成子欽為尚書右僕射欽色尤黑故時人號黑面僕射

濟南王彧姿制閑裕吐發流靡本名亮字仕明後啟求改名詔曰仕明風神運吐嘗自比荀文若可名彧字以取定體相倫之美琅邪王誦有名人也見之未嘗不心醉忘疲

彭城王勰字彥和獻文字美容貌善風儀端嚴若神折旋合度出入言笑觀者忘疲

齊郡王簡字叔亮文成子母沮渠牧犍女簡貌類外祖

咸陽王禧弟樹字秀和一字君立美容貌位宗正卿後奔梁梁

武尤器之封為魏郡王

清河王懌字宣仁宗文子幼而敏惠美容貌孝文愛之彭城王勰甚器之並曰此鼠風神外偉黃中內潤若天假之年偕二南

矣

北齊襄城王清神武子容貌甚美弱年有器望

南康王孝瑜文襄子容貌魁偉精彩雄毅

蘭陵王孝瓘文襄子貌柔心壯音容兼美

安德王延宗文襄子容貌充壯坐則仰偃則伏人笑之乃嚇然奮發

趙郡王叡高祖弟之子身長七尺容儀甚偉

清河王嶽字洪略高祖從父弟長而敦直姿貌凝然沉深有器

量

隋蜀王秀高祖子有膽氣容貌瓌偉美鬚髯多武藝甚為朝臣

所憚

淮南王安為人好書琴鼓不喜弋獵狗馬馳騁

燕王旦狀大雄偉為人辨略好星曆數術

廣川王去惠王越之子景帝孫也好方技博奕

定陶恭王康材藝習知音樂

後漢北海王睦光武兄伯升孫也善使書當世以為楷則及寢

疾明帝驛馬令作草書尺牘十首

牘書版也蓋長一尺曰以名焉

陳王寵善弩射十發十中中皆同處

寵射其秘法以天覆地載參連為奇又有三微三小

三微為經三小為緯經緯相將萬勝之方然有在機牙

中平中黃巾賊起國人素聞王善

射不敢反叛

樂成靖王黨聰惠善史書喜正文字

魏陳侯仁太祖從弟也少好弓馬

邵陵侯貞太祖族弟常獵為虎所逐顧射虎應而倒

任城王彰太祖子少善射御膂力過人手格猛獸好擊劍

陳思王植太祖子太祖遣邯戰淳詣植植初得淳甚喜延入坐

不先與談時天暑熱植因呼常從取水自澡訖傳粉遂科頭扣

祖胡舞五推假跳丸擊劍誦俳優小說數千言訖謂淳曰邯鄲
生何如邪於是乃更著衣幘整儀容與淳評說混元造化之端
品物區別之意然後論羲皇以來賢聖名臣烈士優劣之差次
頌古今文章賦誄及當官政事宜所先後又論用武行兵倚伏
之勢乃命厨宰酒炙交至坐席默然無與伉者及暮歸淳對其
所知歎植之材謂之天人

吳建昌侯慮字子智太子登弟也少敏惠有材藝大帝器愛之
普通吉亭侯勲宣帝弟恂曾孫便弓馬能左右射以勇聞
齊王攸文帝子善尺牘為世所楷

宋江夏王義恭善騎射解音律

長沙王道憐子義融歷五兵尚書領軍有質幹善於用短楯

南齊臨川王映高弟子善騎射解聲律工左左書左右射

映子州陵侯游亦好音樂解絲竹雜藝

長沙王晃高弟子便弓馬武帝嘗幸鍾山晃從駕以馬稍刺道

邊枯蘗帝令左右數人引之銀纏皆卷聚而稍不出乃令晃復

馳馬拔之應手便出每遠州獻駿馬帝徹令晃於林中調試之

武陵王暉高帝子初高帝在淮陰雖為方伯而居處貧諸子學

書無紙筆暉常以指畫空中及畫掌學字遂工篆法少時又無

碁局乃破荻為片縱橫以為碁局指點行勢遂至名器射為當

時獨絕

琅邪王瞻亦稱善射而不及暉也武帝幸豫章王疑東田宴諸
王獨不召暉疑曰風景殊美今日甚憶武陵帝乃呼之暉善射

屢發屢中顧謂四座曰手何如帝神色甚恠疑曰阿五常日不爾今可謂仰藉天威帝意乃釋後於華木射賭帝勅擘疊破放六箭五破一皮賜錢五萬

江夏王鋒高帝子年四歲宋蒼梧王欽害鋒高帝匿於張氏舍鋒好學書張家無紙札乃倚井欄為書滿則洗之已復更書如此者累月又晨興不肯拂窓塵而先畫塵上學為書字五歲高帝鳳尾使學詔一學即工高帝大悅以玉麒麟賜之曰麒麟賞鳳尾矣好琴書蓋亦天性嘗觀武帝賜以寶裝琴仍於御前鼓之大見賞帝謂鄱陽王鋐曰閻黎琴亦是柳令之流時柳一書令善彈琴風韻清遠隆為尚

威王委以國政乃出為南徐州刺史工書為當時藩王所推

南郡王昭業亦稱工謂武帝曰臣書固應勝江夏王武帝荅曰

閻黎第一法身昭業小名閻黎鋒小名

宜都王鏗高帝子善射常以棚太闊曰終日射侯何難之有乃

助甘蔗插地百步射之十發十中

魚腹侯子響武帝子勇力絕人弓四斛力數在園池中帖馬馳走竹樹下身無虧傷

竟陵王子良孫賁能書善畫於扇上圖山水咫尺之間便竟萬里為遙

江曲公遙欣子幾善草隸書

新蒲縣侯子雲善草隸書為時楷法自云善效鍾元常王逸少而微變體子特亦善草隸

祁陽侯子範子乾善隸書得叔父子雲之法

梁廬陵王續武帝子少英果膂力絕人馳射應法命中武帝嘆曰此我之佳城也常馳射於帝前續中兩幘冠於諸人帝大悅郡陵王綸武帝子尤工尺牘

汝南侯聖綸之子長亦善草書師王圖山水又工尺牘永安侯確綸次子少驍勇尤工楷隸公家碑碣皆侯書之又習騎射兵法

武陵王紀武帝子便騎射尤工舞預頗學觀占善風角南安侯駿長沙王懿之孫也善草隸晚更習武膂力絕人

河東王譽昭明太子子幼有驍勇馬上用弩南郡王太運簡文子少俊爽能屬文舉止風流雅有巧思妙達

音樂兼善丹青高帝幸朱方大運與兄大臨並從高祖問曰汝等習騎不對曰臣等未奉詔不敢輒習勅各給馬試大運兄弟據鞍往還各得馳聚之節高祖大悅即賜所乘馬及為啟射詞又甚美

忠烈世子方等元帝子少聰敏有俊才善射騎尤長巧思

陳遂興侯詳善書記談論清雅

始興王伯茂文帝子世祖深愛之是時征北軍人於丹徒盜發晉郗曇墓太獲晉右將軍王羲之書及諸名賢遺跡事覺其書並沒縣官藏于秘府世祖以伯茂好古多以賜之由是大工草隸甚得右軍之法

長沙王叔堅宣帝子少傑黠尤好數術卜筮風角鎔金琢玉並

究其妙... 後魏淮陵侯大頭烈帝之後也善騎射

暨陽子可悉陵年十七從大武獵遇一猛獸遂空手搏之以獻
帝曰汝才力絕人當為國立功立事勿如此也又從平涼州沮
渠茂虔令一騎將與陵相擊兩槩皆折陵抽箭射之墜馬陵恐
其救至未及拔劍以刀子戾其頸使身首異處帝壯之

高涼王孤平多才藝有志略
彭城公勃善射御

衛王儀有筭略少能舞劍騎射膂力絕人弓將十石陳留王虔
稍稱大異時人云衛王弓桓王稍
新蔡公幹儀子也善弓馬以騎從胡元於白登之東北有雙鷓

飛鳴於上帝命左右射之莫能中鴻旋飛稍高幹二箭下雙鷓
帝賜之御馬弓矢金帶一以旌其能軍中於是號幹為射鷓都
將

上黨王天穆射有名其
陳留王虔武力絕人每以矛細短大作之猶患其輕復綴鈴於
刃下其功力倍加常人嘗以稍刺人遂貫而高舉又嘗以一手
頻稍于地馳馬偽退敵人爭取引不能出虔引弓射之一箭殺
二三人搖稍之徒亡魂而散徐乃令人取稍而去

河南王曜道武子嘗射雀於帝前中之帝驚歎焉及大武藝絕
人
永昌王健明元子才藝比陳留桓公而智略過之從大武藝孺

蠕越隊邪山詔捷後殿矢不虛發中皆應弦而斃威震漢北
鼓城王粟弟渾少善射弓馬大武嘉之會有諸方使命渾射獸
三頭發皆中時舉坐咸以為善
陽豐侯庫汗渾子也為羽林中郎將從北巡有兔起乘輿前命
庫汗射之應弦而斃大武悅賜以金兔以旌其能
南平王渾道武孫好弓馬射輒歷飛而殺之日射兔得五十頭
時皆嘆異焉大武嘗命左右分射勝者中的籌滿詔渾解之三
發皆中大武大悅器其藝能常引侍左右賜馬百匹僮數十人
新興王俊明元子少善騎射多藝

南安王英性識聰敏博聞強記便弓馬解吹笛微曉醫術
北海王詳獻文子嘗從車駕至文城射銘之所孝文停駕詔諸

弟及侍臣皆試射遠近唯詳箭不及文城箭所十餘步孝文嘉

之拊掌欣笑遂詔勒銘親自為制

晉陽縣伯贊弟淑彎弓三百斤善騎射

東阿公順任城王澄子篤志愛古解鼓琴

彭城王邵猷文孫也少有氣節善武藝

濮陽王順善射孝武在洛於華林園戲射以銀酒卮容二升許
懸於百步外命射者十餘人共射中者即以賜之順發矢即中
帝大悅并賞金帛順仍於箭孔處鑄一銀童足蹈金蓮手持剡
灸遂勒背上序其射工

北齊趙郡王琛神武弟少便弓馬有志氣

永安王晉神武子豪爽有氣力善騎射為文襄所愛

上黨王渙神武子力能扛鼎材武絕倫每謂左右曰人不可無學但不為博士耳故讀書頗知梗概而不甚耽習

河南王孝瑜字正德文襄長子覆棋不失一道

廣寧王孝珩字文襄次子愛賞人物有拔藝嘗於廳事肆自盡一蒼鷹見者皆以為真又作朝士圖亦當時之絕妙後周東平王神舉文帝族子父顛和膂力絕人彎弓數百斤能左右馳射從孝武入閔至漆水文帝素聞其善射而未之見俄而水傍有一小鳥顛和射中之帝笑曰我知卿工矣神舉尤工騎射

汝南王慶神舉弟沉深有器局善射有膽氣好格猛獸從武帝伐齊與賊爭進慶射之所中人馬必倒賊乃稍却

代王達文帝子性果決善騎射

齊瑒王憲之子貴字乾福少聰敏尤便騎射年十一從憲獵於鹽州一圍之中手射野鳥及鹿一十五

隋義城公虔剛高祖族父也生長北邊少習騎射

滕穆王瓚子綸字祗籀性弘厚頗解鍾拜

齊王暕字世拙煬帝子頗涉經史尤工騎射

唐漢王元昌高祖子性警悟有勇力工騎射頗涉文史兼能隸書

霍王元軌高祖子少善騎射初為吳王時嘗從太宗遊獵遇群獸命射之矢不虛發獸無遺者太宗撫其背曰汝材藝過人恨今無所施耳當天下未定我得汝豈不要乎

徐王元禮高祖子少恭謹善騎射
琅邪王冲越王貞長子好文學善騎射歷陳壽博州刺史皆有
能名
江都王緒霍元王軌長子少好學有雋才書畫騎射皆為一時
之絕

吳王恪太宗第三子少善騎射太宗甚愛之

濮王泰太宗第五子少好學善屬文工草隸待賢禮士深為太
宗所愛

紀王慎太宗第十子慎少好學解天文明練吏事皇族中與越
王貞齊名時人號為紀越

光王琚玄宗子有才力善騎射

永王璘玄宗第十太子少聰敏善草隸

齊王倓肅宗子英毅有才略善騎射

梁朱友倫太宗仲兄存次子幼歲從師讀書稍長學歐陽詢筆
蹟甚得其體勢弱冠有壯志常侍立帝側陳自試之請帝笑曰
昔之陳阿今復爾耳

長安侍后亦愛之子為人慈孝每聞大司馬口不稱身常留

楚孝王囂成帝河平中入朝被疾天子聞之下詔曰蓋聞天地之性人為貴人之行莫大於孝楚王囂素行孝順朕甚嘉之

河間惠王良脩其祖獻王之行母太后薨服喪如禮哀帝下詔褒揚曰河間王良喪太后三年為宗室儀表其益封萬戶

後漢淄川王終泗水王歙之子歙薨終居喪思慕哭泣二十餘日亦薨至出七天赴海不飲水數日薨

東海孝王臻須王肅之子臻及弟蒸鄉侯儉並有為行母卒皆吐血毀背背或脊至服練紅兄弟追念頃王初喪幼小哀禮有闕

因復重行喪制既詳之後而服練也練不緜緣緜即紅也琅邪孝王京光武之子性恭孝

東平孝王敞喪母至孝國相陳瓛上其行狀任城王博有孝喪母服制如禮

清河王慶明帝之子女宋貴人為竇后所譖自殺慶常以貴人葬禮有闕每竊感恨至四節伏臘輒祭於私室竇氏誅後謂竇憲伏

誅始使乳母於城北遙祠及竇太后葬慶求上冢致哀和帝許之詔大官四時給祭具慶垂泣曰生雖不獲供養終得奉祭祀

私願足矣欲求作祠堂恐有自同恭懷梁后之嫌遂不敢言常泣后左右以為沒齒之恨後上言外祖母王年老遭憂病下土

無醫藥願乞請洛陽療疾於是詔宋氏悉歸京師和帝厭世慶號泣前殿嘔血數升因以發病及病篤謂宋衍等曰清河埤薄

欲乞骸骨於貴人家傍下棺而已朝廷大恩猶當應有祠堂庶

母子并食魂靈有所依死復何恨乃上書太后曰臣國土下
濕願乞骸骨下從貴人於樊濯雖沒且不朽矣乃今日尚能
言視冒昧干請命在呼吸願蒙哀憐遂薨
濟北孝王次釐王安國之子九歲喪父至孝惠帝建和元年梁
太后下詔曰濟北王次以幼年守藩躬履孝道父沒哀慟焦毀
過禮草廬土席哀杖在身頭不批沐體生瘡腫諒闇以來二十
八月自諸國有憂未之聞也朝廷甚嘉焉書不云乎用德章厥
善詩云孝子不匱永錫爾類今增次封五千戶廣其土宇以慰
孝子惻隱之勞

彭城孝王和頃王定之子性至孝大夫人薨行喪陵次毀背過
禮傳相以聞桓帝詔使奉牛酒迎王還宮

魏長平侯休太祖族子文帝時為征東將軍領揚州刺史休喪
母至孝帝使侍中奪喪服使酒食肉休受詔而形體益憔悴乞
歸譙葬母帝復遣訖詣行在薛喬奉詔節其憂哀使歸家治喪
一宿便葬訖詣行在所帝見親自寬慰之其見愛重如此此
陳王志思王植之子遭母憂居喪盡哀因得疾病喜怒失常
晉扶風武王駿宣帝子有孝行母伏太后妃隨兄亮在官駿常
涕泣思慕若聞有疾輒憂懼不食或時委官定省
新野王歆駿之子謹身履道母戚大妃薨居喪過禮以孝聞
齊獻王攸文帝之子景帝無子攸為嗣景帝山陵攸年十歲哀
動左右大見稱嘆襲封武陽侯奉景獻羊后於別第事后以孝
聞及居文帝喪哀毀過禮杖而後起左右以稻米乾飯雜理中

圓進之攸攸泣而不受太后自往勉喻曰若萬一加以他疾復如何宜遠慮深計不可專守一志常遣人逼進飲食後太后有疾既瘳武帝與攸奉觴上壽攸以太后前疾危萬因歔歔流泣帝有愧為攸侍帝疾常有憂感之容時人以此稱嘆之攸臣性過人有觸其諱者輒泫然流泣雖武帝亦憚之每引之同處必擇言而後發

攸子武閔王罔初攸有疾武帝不信遣太醫診候皆言無病及攸薨帝往臨喪罔號踊訴父病為醫所誣詔即誅醫由是見稱遂得為嗣

成都王頴武帝子與齊王罔誅趙王倫迎太子反正頴遂歸薪遣信與罔別罔大驚馳出送頴至七里澗及之頴住車言別流涕不及時事性以太妃疾苦形於顏色百姓觀者莫不傾心

高陽元王珪安平獻王孚之子為北中郎將督新城守諸軍事恭始中入朝以父孚年高乞留供養拜尚書遷僕射

長沙厲王乂武帝子年十五居武帝喪孺慕過禮會楚王瑋奔喪諸王皆近路迎之乂獨至陵所號慟以俟瑋

武陵忠敬王遵威王晞之子初襲封新寧時年十二受拜流涕

哀感左右

東安王繇事親居喪盡禮

宋建平王景素宣簡王宏之子性甚孝仁事母太妃朝夕不違侍養太妃有不安景素傍行蓬髮與人言煦煦常傷其情

南齊豫章文獻王嶷帝第二子居帝喪哀號過度眼耳俱出

血膏... 祁陽縣侯子範疑子也有孝性丁所生母憂居喪以毀聞

武陵昭王暉高帝第五子母羅氏從弟淮陰以罪誅暉年四歲
異慕不異成人每慟吐血高帝勅武帝曰三昧至性如此恐不
濟汝可與共住每抑割之三昧暉小字也

始興王鑑高帝第十子年八歲喪所生母號慕過人數日中便
至骨立豫章文獻王聞之撫其身嗚咽謂高帝曰此兒操行異
人恐不濟帝亦悲不自勝

衡陽王鈞高帝第十一子年五歲所生區貴人病更加慘悴左
右依常以五色餅飴之不肯食曰須待姨差年七歲出繼衡陽
元王年高帝未拜便涕泗橫流高帝執其手曰伯叔父猶父勿

怨所以令汝出繼以汝有意堪奉蒸嘗故耳即勅外如先給通
幃車雉尾扇等事事依正王區貴人卒居喪盡禮服闋尪羸骨
立登車三上不能升乃止典籤曹道人具以聞武帝即幸鈞邸

見之愴然還謂褚綦曰昨見衡陽猶竒毀損卿可數相撫悅先
是貴人以花釵厨子并剪刻錦繡中倒炬鳳皇蓮芰星月之屬
賜鈞為玩弄貴人亡後每歲及朔望輒開視再拜哽咽見者皆

為之悲
宜都王鑑高帝第十六子生三歲喪母及有識問母所在左右
告以早亡便思慕蔬食自悲不識母常祈請幽寘求一夢見至

六歲遂夢死見一女人云是其母鑑泣向旧左右說容貌衣服
事皆如平生聞者莫不歔歔

河東王鉉高帝第十九子年三四歲帝晝卧纏鬢鉉上帝腹上
弄繩高帝因以繩賜鉉乃喪帝後鉉以寶函盛繩歲時輒開視
嗚咽流涕人才甚凡而有此一孝
竟陵王良子武帝第二子帝為贛縣時與裴后不諧遣人船送
后還都已登路子良時年小在庭前不悅帝謂曰汝何不讀書
子良曰娘今在何處何用讀書帝異之即詔后還縣
晉安王子懋武帝第七子年七歲時母阮淑媛嘗病危薦請僧
行道有獻蓮花供佛者衆僧以銅甕盛水漬其莖欲花不萎子
懋流涕禮佛曰若使阿姨因此和勝願諸佛令花竟齋不萎七
日齋畢花更鮮紅視甕中稍有根鬚當世稱其孝感
南海王子罕武帝第十一子母樂容華嘗寢疾子罕晝夜禱祈

于時以竹為燈續照夜此續宿昔枝葉大茂母病亦愈咸以為
孝感所致主簿劉駿及侍讀賀子喬為之賦頌當時以為美談
南豐侯穎曾高帝從祖弟亦斧之子遭父喪感脚疾數年然後
能行武帝有詔慰勉賜醫藥

新吳侯景先高祖從子少遭父敬宗喪有至性常嘉之
梁安成康王秀高帝第十二子所生母吳大妃亡季母弟始興
王憺時年九歲並以孝聞居喪累日不進飲太祖親取粥授之
哀其早孤命側室陳氏并母二子陳亦無子有母德視二子如
親生焉

臨川靜惠王宏高帝弟也宏所生母陳太妃寢疾宏與母弟南
平元襄王偉侍疾衣不解帶每二官參問輒對使泣涕及太妃

薨水漿不入口者五日高祖每臨幸慰勉之偉雖奉詔而致瘠殆不勝喪先是齊宋宏避難潛伏與太妃異處每遣參太妃消息或謂宏曰逃難雖密不宜往來宏啣淚答曰乃可無我不可於此事斲廢則室朝之有女二子刺亦無子百母對焉二七

鄱陽忠烈王恢高祖弟也有孝性初鎮蜀所生費太妃猶停都督後於都不豫恢未之知一夜忽夢還侍疾既覺憂惶便廢寢食俄而都信至太妃已瘳後又有目疾久廢瞻視有北渡道人慧龍得治眼術恢請之既至空中忽見聖僧及慧龍下針豁然開朗咸謂精誠所致

恢孫宜豐侯脩性至孝年十二丁所生桑氏喪自荊州反荊中江遇風前後部伍多致沉溺脩抱柩長號血淚俱下隨波搖蕩終得無他葵訖因廬墓次先時山中多猛獸至是絕迹野鳥馴狎棲宿簷宇武帝嘉之以頒告宗室

始興忠武王憺高祖弟始數歲所生母吳太妃卒憺哀感傍人後為荊州刺史慈母陳太妃薨水漿不入口六日居喪過禮高祖優詔勉之使攝州任

憺子新喻侯映為淮南太守丁父憂隆冬席地哭不絕聲不嘗穀粒唯飲冷水因患癥結除太子洗馬書三人高祖聞其高映弟上黃侯暉自憺不豫侍疾衣不解帶言與淚并憺薨杖而後起服闋後居大妃憂泣血三年

桂陽嗣王象高祖兄子容止閑雅事所生母以孝聞南康簡王績高祖子為江州刺史丁董淑儀憂居喪過禮高祖

手詔勉之使攝州任固求解職乃徵授安右將軍領石頭戍軍
事尋加護軍羸弗堪視事上聞舉事西生母心苦國
績子通理生十旬而績薨至三歲能言見內人分散涕泣相送
通理問其故或曰此簡王宮人喪畢去耳通理便號泣悲不自
勝諸宮人喪畢見之莫不敢傷為之停者三人為服闋後見高
祖又悲泣不自勝高祖為之流涕請左右曰此兒大必為奇士
南海王大臨簡文帝子年十一遭左夫人憂哭泣毀瘠以孝聞
義安王大昕簡文帝子始年四歲母陳夫人卒便哀慕毀頰有
若成人及簡文居高祖喪大昕奉慰嗚咽不能自勝左右見之
莫不掩泣

西昌侯藻高帝兄長沙王懿之子懿仕齊為東昏侯所害藻常
布衣蒲席不食鮮禽非在公庭不聽音樂高祖每以此稱之
吳平侯景高祖從父崇之為東陽太守遇害景八歲從父在郡
居喪以毀聞

景子勵為太子洗馬以母憂去職殆不勝喪每一思至必徒步
之墓或遇風雨仆卧中路坐地號慟起而復前家人不能禁景
持所鍾愛曰吾百年後其無此子乎使左右節哭服闋除太子
中舍人景薨于郢鎖或以路遠秘其凶問以疾漸為辭勵乃奔
波留于泣夏不進水漿七日廬于墓所親友隔絕會叔父曇下
詔獄勵乃率昆弟群從同詣大理雖門生故吏莫能識之後襲
封吳平侯對揚人主悲慟嗚咽傍人亦為隕涕
陳鄱陽王伯山文帝子也丁所生母憂居喪以孝聞後主常幸

吏部尚書蔡徵宅因徃弟之北山號慟殆絕因起為鎮衛將軍
仍謂群臣曰鄱陽王至性可嘉又是西弟之長豫章已兼司空
其亦須遷太尉未及發詔而伯山薨

後魏性城康王雲太武帝弟始五歲恭宗薨大武長子也文成追尊為景穆皇帝

廟號恭宗號哭不絕聲太武聞之而呼抱之泣曰汝何知而有成人

之意後為征東大將軍開府徐州刺史以太妃蓋氏薨表求解

任獻文不許雲悲涕成疾乃許之

雲子文宣王澄字道鏡少而好學父康王薨澄居喪以孝聞後

為征北太將軍定州刺史孟太妃薨居喪毀瘠當世稱之

澄子河東文烈公順為太常少卿以父喪去職哭泣嘔血身首

負土時年二十五便有白髮免喪服去不復更生世人以為孝

思所致澄初為吏部尚書兼右僕射順後亦為之順上有登階

向榻見榻甚故問都令史徐仵起曰此曾經先王坐順即哽塞

涕泗交流久而不能言遂令換之

南安王楨景穆之子也性忠謹事母以孝聞高祖賜帛千匹以

褒之

彭城王勰字彥和獻文帝之子生而母潘氏卒其年獻文喪及

有所知啟求追服文明太后不許乃毀瘠三年弗參吉慶孝文

大奇之

臨淮王提為梁州刺史以貪縱削除加罰徒配北鎮久之提子

員外郎穎免冠請解所居官代父邊戍孝文不許

提子濟南王昌好文學居父母喪哀號孺慕悲感行人

昌子或詔封濟南王為東道行臺會爾朱榮入洛殺害元氏遂
奔子梁及知莊帝踐祚或以母老請還辭旨懇切梁武帝惜其
人才又難違其意遣其僕射徐免私勸或留或曰死猶願北况
於人也乃以禮遣或性至孝自經遣離不進酒肉憔悴容貌見
者傷之

交陵伯長子子華母房氏曾就親人飲食夜還大吐人以為中
毒母甚憂懼子華遂掬吐盡噉之其母乃安

饒陽男遙宗兆土子推之子為左衛將軍宣武初遭所生母憂
表請解任詔以餘尊所厭不許

馮翊王亨年十二恭帝在儲宮引為交友釋褐壬午備身大統
末襲父季爵邑千戶授拜日悲慟不能自勝

北齊清河王岳神武從父弟仕魏為京畿大都督元象元年遭
母憂去職岳性至孝盡力色養母若疾衣不解帶及遭喪哀毀
骨立神武深以憂之每日遣人勞勉

宣城郡公叡高祖弟趙郡王琛之子生三旬而孤為高祖所愛
養於宮中令游娘母之至四歲未嘗識母其母則魏華陽公主
也有鄭氏者叡母之從母姊妹之女戲語叡曰汝是我姨兒何
日到親游氏叡目問訪遂精神不怡高祖甚以為恠疑其感疾
欲命醫看之叡對曰兒無患苦但聞有所生欲得覩兒高祖驚
曰誰向汝道邪叡具陳本末高祖命元夫人令就宮與叡相見
叡前跪拜目抱頸大哭高祖甚以悲傷語于秦王歸彥曰此兒
天生至孝我兒子無有及者遂為休務一日叡讀孝經初至資

於事父輒流涕歔歔十歲喪母高祖親送殯至領軍府為殯發喪畢聲殯絕哀感左右三日水漿不入口高祖與武明婁聖后殷勤敦譬方漸順旨居喪盡禮持佛像長齊至於骨立杖而後起高祖令常山王共卧起日夜說諭之并勅之左右不聽進水雖絕清漱午後輒不肯食由是高祖食必喚殯同案見其慙惜如此居喪高祖喪哭泣嘔血及壯將為婚娶而貌有蹙容世宗謂之曰我為爾娶鄭述祖女門閥甚甚高汝何所嫌而精神不樂殯對曰自痛孤遺常深膝下之慕方從婚冠彌用感切言未卒嗚咽不自勝世宗為之憫然天統中追贈殯父琛假黃鉞母元氏趙郡王妃謚曰貞昭華陽長公主如故有司備禮儀就墓拜授時隆冬盛寒殯跣步號哭面皆破裂嘔血數升及還不堪

參謝帝親就第增問

其至赴

博陵王濟神武第十二子嘗從文宣巡幸在路忽憶太后遂逃歸帝怒臨以白刃曰自驚悅

平秦王歸彥高祖族弟嫡母康氏所生母王氏並為大妃善事

二母以孝聞

是時南陽王諱兄弟皆呼父為兄兄嫡母為家乳母為姊婦為妹妹

後周邵惠公顥文帝之長兄性至孝居德皇后喪哀毀過禮德皇帝與衛可瓌戰墜馬顥與數騎奔救乃免顥遂戰歿保定初追封為顥曾孫幽公廣母李氏以廣患彌年憂而成疾因此致卒廣居喪更加縣篤及以毀薨世稱母為廣患廣為母死慈孝之首極於一門高祖素服親臨百寮畢集故吏儀同李充信等上表論其忠孝其宿志期以窀穸之禮庶存儉約伏願聽許詔

從之葬贈本官加太保葬於隴右
齊憲王所生達步千氏茹人建德三年冊為齊國大妃憲有至
性事母以孝聞太妃舊患風熱屢經發動憲衣不解帶扶持左
右憲或東西從役每思驚其母必有疾乃馳使參問果如所屬
隋趙王果煬帝幼子性至孝常見帝風動不進膳果亦終日不
食又蕭后炙果先請試炷后不許之果泣請曰后所服藥皆蒙
嘗之今炙願嘗炷悲咽不已后竟為其停炙由是尤愛之

燕王倓元德大子次子母曰大劉良姊煬帝於諸孫中特所鍾
愛良姊早終倓每至忌日未嘗不涕泣嗚咽帝由是益以奇之
唐韓王元嘉年十五在潞州聞大妃病便流泣不食至京發喪
哀毀過禮太妃太宗嗟其至性屢慰勉之

道王元慶事母以孝聞高宗顯慶中太妃薨上表請身脩墳塋
詔不許

薛王業母終從母賢妃親鞠養之至是迎賢妃出外宅事之甚
謹同母妹淮陽涼國三公主亦早卒業撫愛其子逾於己子睿
宗以業孝友特加親愛

信安都王禕少有志尚事繼母甚謹謹撫繼母所生弟祗等以
友愛稱玄宗開元中丁母憂去官起復授瀛州刺史又上表固
終喪制許之

高平王道立孫涵有名宗室代宗賢應元年初平河朔拜涵左
庶子兼中丞河北宣慰使丁母憂起復本官而往每至州縣郵
驛公事之外都不發言蔬食水飲席地而息使還固請罷官終

喪制代宗以其毀瘠許之

嗣曹王臯奉太妃鄭氏以孝聞後為衡州刺史時坐小法御史覆說懼貽太妃憂出則素服入則公服言貌如平常太妃不之知也及為潮州刺史詭詞遷官屬楊炎貶官在道知臯事直後炎作相復以為衡州刺史方具以事白太妃因泣下具言非疾不敢有聞其況密重憤如此貞元初為江陵尹乃請歸東都祔葬德宗使中使吊之贈臯父右僕射母鄭氏曹國太妃既葬朝於京師詔還鎮出東都將以拜墓觀者榮之

後唐昭儀節度使李嗣昭太祖弟克柔之子在昭儀為梁帥所圍及莊宗解夾城之圍嗣昭知太宗弃世號痛哀毀瘠殆不勝喪

冊府元龜二百六十七

新刊監本冊府元龜卷第二百六十八

宗室部

七

來朝

輔政

就國

來朝

昏定晨省為子之道也春朝秋覲事君之義也蓋所以正班爵而有叙訓上下而為典者焉自漢氏之世戚藩列樹連城布土分王同姓憤棟寮案為之傳相雖違顏於咫尺而存心於象魏故得歲自入謁時或召對恭上之體無越於常度展親之愛宛如於家人亦有徵詣行在駿奔祀事忠勤形於貢奉孝弟著於誠明為國邸之表儀推問望於英哲宜乎優賜名數加請秩封遂其請永曾無所吝者矣魏晉而下奉圭覲見者咸以記云

漢高祖九年十月楚王交朝未央宮

八年九月自雒陽至長安

十年十月荆王賈楚王交齊王肥來朝

惠帝元年淮南王長入朝

長立三年也

二年十月齊悼惠王肥來朝獻城陽郡以益魯元公主邑

文帝二年三月立皇子武為代王參為大原王揖為梁王武後

徙為淮陽王又徙梁王十四年

文帝十五年

入朝十七年十八年比

年入朝留

比類也留謂留在京師

其明年乃之國二十一年入觀參五年

一朝凡三朝揖五年一朝凡再入朝

景帝二年梁王武入朝

武立二年四年也

三年梁王武復入朝

武立二十五年也

四年衡陽王勃來朝初吳楚王反王堅守無二心是年吳楚已

破王朝帝以為真信乃勞苦之

勞音來到反

曰南方畢濕徙王王於

齊北以褒之

七年十月梁王武入朝

武立二十九年

帝使使持乘輿駟馬迎梁王

於闕下

天子副車駕駟馬即車也

既朝上疏

因留中六年冬梁王武復入

朝

武立三十五年也

上疏欲留帝弗許

後二年諸王來朝有詔更前稱壽歌舞長沙定王發但張袖小

舉手左右笑其拙帝怪問之對曰臣國小地狹不足回旋帝以

武陵零陵桂陽屬焉

武帝元光六年衡陽王賜入朝是時淮南王安河澗王德來朝

安德史失其年

昭帝元鳳中廣陵厲王胥入朝益封萬戶

成帝河平中楚孝王囂入朝正月時被疾帝閱之詔與子男一

人惧從平入朝也是時東平思王宇來朝上疏求諸子及太史公書

帝以問大將軍王鳳對曰臣聞諸侯朝聘考文章正法度非礼

不言今東平王幸得來朝不思制節度以謹防危危失謂失道而傾危

也而求諸書非朝聘之義也諸子書或反經術非聖人或明鬼

神信怪物物亦鬼太史公書有戰國縱橫權譎之謀漢興之初謀

臣竒策天官災異形地阨塞皆不宜在諸侯王不可予不許之

辭宜曰五經聖人所制萬事靡不畢載王審樂道傳相皆儒者

朝夕講誦足以正心虔意虞同夫小辯破義大道不通致遠恐

泥皆不足以留意泥音乃細及諸益於經術者不愛於王愛惜也

王無惜對奏天子如鳳言遂不與

後漢光武中元元年正月東海王彊沛王輔楚王英濟南王康

淮南王巡趙王盱皆來盱音詡又况于反二月從封岱山彊因留京師

三年冬歸國

明帝永平二年九年沛王輔楚王英濟南王康淮陽王延東海

王政趙王盱北海王吳齊王石來朝

十一年正月沛王輔楚王英濟南王康東平王蒼淮陽王延中

山王烏琅邪王京東海王政來朝

十五年二月帝幸彭城耕于下邳三月徵琅邪王京會良成縣名

故城在今下邳縣北徵東平王蒼會陽都縣名在今沂水縣南又徵廣陵侯及其三

弟會魯祠東海恭王陵

章帝建初七年正月沛王輔濟南王康東平王蒼中山王烏東

海王政琅邪王宇來輔

元和二年九月徵濟南王康中山王為會祭蒸嘗

二年正月北巡狩濟南王康中山王為西平王羨六安王恭樂

成王黨淮陽王昞任城王定皆從臣欽若等按元和二年九月徵濟南王康中山王為其餘

史不書來朝年月

章和二年正月濟南王康阜陵王延中山王為來朝

安帝元光三年三月幸太山齊王無忌東海王普樂安王延來

朝魏文帝黃初四年任城王張雍丘王植朝京師

明帝太和五年冬詔諸王朝京師

青龍三年徵燕王宇入朝

景初二年徵燕王宇詣京師

晉武帝泰始四年太原王瓌入朝賜褰冕之服

六年高陽王珪入朝以父子年高乞留供養拜尚書遷右僕射

咸寧中河澗王顥與諸王俱來朝帝歎顥可以為諸國儀表

惠帝永光二年二月鎮南將軍楚王瑋鎮東將軍淮南王允來

朝是時秦王冬來朝史不書月

元康九年淮南王允入朝拜驃騎將軍

宋高祖永初二年長沙王道憐自京口朝正入住殿省

後魏獻文和平六年十月徵陽平王新城京兆王子推濟陰王

小新成汝陰王天賜任城王雲入朝

後周靜帝即位趙王括陳王純越王達代王勝滕王道來朝

唐太宗貞觀十一年十一月丁亥潞州刺史韓王元嘉絳州刺

史霍王元軌豫州刺史道王元慶並來朝

十二年齊州都督齊王祐入朝因稱疾願留京師

十六年十一月癸丑朔梁州都督漢王元昌徐州都督徐王元

禮絳州刺史霍王元軌壽州刺史舒王元名揚州都督越王元

貞來朝

二十年十月徐州刺史霍王元軌許州刺史樊王暉來朝

二十一年十月滑州刺史舒王元名相州刺史趙王貞來朝貢

二十二年十月絳州刺史徐王元禮襄州刺史紀慎來朝

梁太祖開平四年十月乙亥東京留守博士及文入覲召之也

後唐愍帝應順元年閏正月癸亥洋王從璋自河中入覲獻甲

馬二十疋

子周輔政

夫右賢左戚古之道也自商周之並建子弟以屏王室或入為

卿士宰相國政故雖五叔之親而無官蓋尚德也是知熙帝載

執國成惟賢明而是託當親羈而並進由漢而下汙于後周或

選自宗英真于輔弼典掌衡軸彌綸政治蓋有奕業載德濟美

垂裕任職興化式是人望斯固駿嘏寅亮之業茂焉非特藩翼

懷寧之謂也至或登用非允授受斯失政覆敗者亦時有之斯

可監也已

商微子啓帝乙元子為紂卿士

周公但武王之弟自武王即位旦常輔翼武王用事居多武王

九年東伐至孟津周公輔行十一年伐紂至牧野周公佐武王

作牧誓破殷入商宮封周公旦於少昊之虛曲阜是為魯公公
不就封留佐武王及成王即位少在襁褓之中周公恐天下畔
周公踐作代成王攝行正當國成王長能聽政於是周公乃還
政於成王北面就群臣之位臣欽若昔曰周公不就封以子伯禽之國其為王卿士者世為周公屬王奔彘時周公與太子立召公靜是為宣王二相輔之史闕其名其後莊王時有周公黑肩畢公高文王之子成王懼太子釗之不任業乃命召公畢公率諸侯以相太子而立之
衛康叔封封名也冉季載周公母弟皆有訓行於是周公率康叔為周司寇冉季為周司空以佐成王治皆有令名於天下
武公和康叔之後有文章又能聽其規諫以禮防厲王時入相于周時人作淇澳以美之

祭公謀父周公之後穆王時為王卿士

凡伯周公之裔厲王時為王卿士

弭文公文王母弟弭仲之後宣王時為王卿士

鄭桓公友厲王少子而宣王庶弟也年表云幽王以為司徒幽王

八年為司徒和集周民周民皆說河洛之間人便思之

武公屈突桓公子父子為周司徒善於職國人宜之故作緇衣

之詩美其德以明有國善善之功焉

王子虎襄王時為太宰

漢澎侯澎東海屈麓中山靖王子武帝時自涿郡太守為左丞相

詔曰夫親親任賢周唐之道也以澎戶二千二百封左丞相為

澎侯

後漢東平王蒼光武子明帝時為驃騎將軍在朝數載多所隆益而自以至親輔政聲望日重意不自安上疏歸職帝優詔不

聽疏云居宰相之位同氣之親余具宗室退讓門

魏邵陵侯真太祖族子文帝黃初三年以真為上軍大將軍都督中外諸軍事遷中軍大將軍七年與群陳等受遺輔政明帝即位累遷大將軍司馬

真子武安侯爽明帝時為衛武將軍帝寢疾乃引爽入卧内拜

大將軍假節鉞都督中外諸軍事錄尚書事與大尉司馬懿並

受遺詔輔少主

晉安平王孚宣帝次弟為魏太傅武帝受禪詔曰大傅勲德弘

茂朕所瞻仰以光導引訓鎮靜宇内願奉以不臣之禮其封為

安平王邑四百戶進拜大宰持節都督中外諸軍事有司奏請

王未之國者所制官屬權未有倫帝以孚明德屬尊當宣化樹

教為群后作則遂備置官屬焉

孚子義陽王望為魏司徒武帝泰始三年詔曰夫尚賢庸勲尊

崇茂親所以體國經化式是百辟也且台星之重存乎百官故

周建六職政典為首司徒中領軍以明德近屬世濟其美祖考

創業翼佐太命出典方任入贊朝政文德既著武功宣暢迨朕

嗣位弼道惟明宜登上司兼統軍戎内輔帝室外隆威重其進

位大尉中領軍如故置大尉軍司一人參軍事六人騎司馬五

人又增置官騎十人并前三十假羽葆鼓吹

汝南文成王亮宣帝子武帝末為大尉錄尚書事遺詔委以後

事揚駿索詔視遂不還及駿誅詔曰大司馬汝南亮體道冲粹通識政理宣翼之績顯於本朝二南之風流於方夏將憑遠猷以康王化其以亮為太宰錄尚書事入朝不趨劍履上殿增掾屬十人給千兵百騎與太保衛瓘對掌朝政

亮子西陽王羨元帝太興初錄尚書事進位太宰領太尉

梁王彤宣帝子惠帝元康中為大將軍尚書令領軍將軍錄尚書事永康初共趙王倫廢賈后詔以彤為太宰守尚書令是時改司徒為丞相以彤為之倫滅詔彤以太宰領司徒

齊王攸文帝之子武帝踐阼時朝庭草創而攸總統軍事撫寧內外莫不景附遷驃騎將軍開府辟召禮同三司每朝政太議悉心陳之累遷侍中司空

攸子撫閔王罔惠帝時為平東將軍假節鎮許昌與成都河間常山新野四王誅趙王倫惠帝反正以罔為大司馬於是輔政居攸故宮

成都王穎武帝子助齊王罔誅趙王倫惠帝以穎為大將軍錄尚書事罔敗穎懸執朝政事無巨細皆就鄴認之

高密王泰宣帝弟熲之子惠帝永熙初為司徒楚王瑋之被收泰嚴兵將救之祭酒丁綏諫曰公為宰相不可輕動且夜中倉卒宜遣人參審定問泰從之瑋既誅乃以泰錄尚書事遷大尉尚書令

東海孝獻王越惠帝西幸以越為太傅與太宰顥夾輔朝政事不受懷帝即位委政於越武陵忠敬王導元帝孫宋高祖義旗

興復朝廷稱受密詔使遵摠攝萬機加侍中大將軍移入東宮
內外畢敬遷轉百官稱制書又教稱令書安帝反正更拜太保
會稽文孝王道子孝武帝子太元中錄尚書六條事尋領司徒
安帝踐阼有司奏道子宜進位太傅揚州牧中書監假黃鉞備
殊禮固辭不拜詔內外衆事動靜諮之帝既冠道子稽首歸政
宋彭城王義康高祖子文帝即位初為荊州刺史元嘉六年司
王弘表儀康宜還入輔政侍中都督揚南徐兗三州諸軍事司
徒錄尚書事領北平將軍南徐州刺史持節如故二府並置佐
領兵與王弘共輔政弘既多疾且每事推讓自是內外衆務一
斷之義康性好吏職銳意文按糾剔是非莫不精盡既專總朝
權事決自己生殺大事以錄命斷之凡所陳奏入無不可方伯
以下並委義康授用由是朝野輻湊勢傾天下義康亦自強不
息無有懈倦府門每旦常有數百乘車雖復位卑人微皆被引
接愛惜官爵未嘗以階及私人凡朝士有才用者引入闕文自
下樂為竭力不敢欺負

江夏王義恭高祖子文帝元嘉十六年進位司空加侍中都督
揚南徐兗三州諸軍事司徒錄尚書二十一年進太尉領司徒
義恭既小心恭慎且戒義康之失雖為摠錄奉行文書而已故
文帝安之孝武即阼累加太宰前廢帝即位詔曰摠錄之典著
自前代孝建始年雖盛並省而因革有宜理存濟務朕竊獨在
躬未涉政道百揆庶務允歸尊德大宰江夏王義恭新除中書
監太尉地居重崇受遺阿衡實深憑倚冀康庶績可錄尚書事

本官監太宰王如故

南郡王義宣高帝子孝武帝即位初為中書監都督揚豫二州丞相錄尚書六條事揚州刺史

建平王宏文帝子孝武入嗣以宏為僕射冠軍將軍中書監宏謙儉周慎禮賢接士明曉政事世祖信伏之

南齊竟陵王子良武帝子帝遺詔使子良輔政安成王知尚書事子良素仁厚不樂世務乃推安成詔云事無大小悉與焉參議

巴陵王寶義和帝西臺建以為侍中司空梁王定京巴宣德太后令以寶義為大尉領司徒詔云不言之化形於自遠時人皆云此實錄也

後魏江夏公呂道武族弟位外都大官委以朝政大見尊重扶周公處真烈帝之後少以壯烈聞位殿中尚書委以大政甚見尊禮

文安公屈泥國之踈族明元時居門下出納詔命明元東巡命屈泥行右相掌軍國甚有聲譽

彭城王勰獻文子孝文時除侍中長直禁內參決軍國大政萬機之事無不預焉

咸陽王禧孝文末為太尉與司徒彭城王勰司空北海王祥尚書左僕射廣陽王嘉等受遺輔政景明二年春詔曰朕以寡昧夙罹閔凶憂莞在疚罔知攸濟寔賴先帝聖德遺澤所覃宰輔忠賢劬勞王室用能撫和上下肅清內外乃式遵復子歸政告

遜辭理懇至邈然難奪便當勵茲室之親覽機務咸陽王遵唯
元叔道性淵凝可進位太保領太尉司空北海王季父英明聲
略茂舉可大將軍錄尚書事

高陽王雍宣武末為太尉孝明即位初侍中于忠以門下議以
帝幼年未親機政太尉高陽王雍屬尊望重宜入居西相臺省
決庶政

任城王澄明德茂親可為尚書令搃攝百揆

清河王懌孝明即位靈太后以懌帝之懿叔德允具瞻委以朝
政事擬周霍懌竭力輔佐以天下為己任

汝南王悅正光中為侍中太尉孝明詔入居門下與丞相高陽
王雍參決尚書奏事

東魏孝靜天平二年二月以太尉咸陽王坦為大傅以司州牧
西河王暉為太尉

三年三月以開府儀同三司華山王鷲為大司馬

四年正月以汝陽王暹為錄尚書事

興和四年四月以太尉彭城王勰為錄尚書事

武定二年三月以元弼為錄尚書事

北齊任城王潛高祖子自孝昭武成時車駕還鄴常令潛鎮晉
陽搃并省歷司徒太尉并省錄尚書事

彭城景思王攸高祖子皇建初拜大司馬兼尚書令轉太保武
成入承太業遷太師錄尚書澈明練世務果於斷決事無大小
咸悉以情

趙郡王叡河清中為司空攝錄尚書事累加尚書令拜太尉叡
久典朝政譽望日隆

後周晉蕩公護太祖之兄邵惠云顥之少祖自太祖為丞相立
左右十二軍摠屬相府太祖後皆受護處分凡所徵發非護書
不行護弟弋兵禁衛盛於宮闕事無巨細皆先斷後聞孝閔踐
阼拜大司馬封晉國公邑萬戶遷大家宰高祖立百官摠已於
護保定元年以護為都督中外諸軍事令五府摠於天官

就國

自漢懲亡秦之失尊王子弟魏晉代興咸建戚屬申畫邦壤署
置官號南面君民齊世傳祚所以屏翰王室為磐石之宗也而史
氏或載其就封之始或述其還國之自乃有勝衣疏爵既壯而方
出明德入輔辭寵以言歸或修覲而旋或被遣而去至於慈愛
隆篤恩給優洽亦並而叙之所以紀封建沿襲之異宜典章因
革之殊制者已

漢營陵侯澤立為琅邪王與齊人田生之國生勸澤急行毋留
出闕呂太后果使人追之已出即還

齊悼惠王肥高祖六年立孝惠二年入朝帝與齊燕飲太后前
置齊王上坐如家人禮臣以兄弟齒列不從君太后怒欲鴆之齊

王自以為不得脫長安內史士曰內史王官士者其名太后獨有帝與魯

元公主今王有七十餘城而公主乃食數城王誠以一郡上太

后為公主湯沐邑必喜無患矣於是齊王獻城陽郡以尊公主

為王太后為齊王太后言以母禮呂太后喜而許迺置酒齊邸

事之所以自媚也

樂飲遣王歸國

梁孝王武孝文十七年十八年比年入朝留此類也留謂其在京師其明

羊乃之國孝景二十九年入朝帝廢栗太子太后心欲以梁王為嗣大臣有所關說太后議格乃辭歸國三十五年冬復入朝上疏欲留帝不許乃歸國

燕刺王旦武帝元狩六年四月與齊王廣陵厲王胥同日立旦壯夫就國

淮陽憲王欽宣帝元康三年立宣帝甚愛之元帝即位乃遣之國東平思王宇宣帝甘露二年立元帝即位就國

舂陵侯仁以舂陵下濕永減邑內徙元帝初元四年徙封南陽之白水鄉猶以舂陵為國名遂與從弟鉅鹿都督同及宗族往

家焉

仁子敞襲封為廬江都尉族兄安衆侯劉崇起兵王莽畏惡劉氏徵敞至長安免歸國

後漢魯王興哀王石並建武二十七年就國東海恭王疆建武二年立為皇太子十七年而母郭后廢疆不自安數陳懇誠願備藩國十九年封為東海王二十八年就國帝以疆廢不以過去就國有禮故優以大封兼食魯郡初魯恭王好宮室起靈光殿甚壯是時猶存故詔疆都魯中原元年入朝徙封岱因留京師明年冬明帝乃歸國

沛王輔楚王英濟南王康淮陽王延並建武二十八年就國中山王烏以郭太后子請王就國焉獨留京師三十年徙封中

山王永平二年冬諸王來會辟雍事畢歸藩詔爲與俱就國從以虎賁官騎爲上疏辭讓顯宗報曰凡諸侯出境必備左右故夾谷之會司馬以從今五國各官騎百人稱媿前行皆北軍胡騎便兵善射不空張發中必決皆夫有文事必有武備所以重蕃職也王其勿辭

東平王蒼明帝即位爲驃騎將軍表乞上將軍印綬退就蕃國辭甚懇切永平五年乃許還國而不聽上將軍印綬六年帝幸魯蒼從還京師明年陰太后既葬乃歸國十一年與諸王朝京師月餘還國帝臨送歸宮悽然懷思乃遣使手詔國中傳曰辭別之後獨坐不樂因就車歸伏軾而吟瞻望永懷實勞我心誦及采菽以增歎息蒼建初六年冬上疏永朝明年正月帝許之

七年三月大鴻臚奏遣諸王歸國帝特留蒼賜以秘書列僊圖道術秘方至八月飲酎畢有司復奏遣蒼乃許之詔賜蒼曰骨肉天性誠不以遠近爲親踈然數見顏色情重昔時念王久勞思得還休署大鴻臚奏不忍下筆顧授小黄門中心戀戀惻惻然不能言於是駕車祖送流涕而訣復賜乘輿服御珍寶輿馬錢布以億萬計琅邪王京明帝尤愛幸永平五年乃就國

西平王羨章帝遣詔徙封陳王章和二年就國

陸安王恭章帝遣詔徙封彭城王章和二年就國

樂成王黨與章帝同年就相親愛章和二年就國

下邳王衍有容貌章帝即位常在左右章和二年就國

梁王暢明帝尤愛幸章帝緣先帝之意思寵甚篤和帝即位就

國

常山王章殤帝延平元年就國

清河王慶殤帝延平元年與濟北王壽河間王開常山王章就

國慶立凡二十五年乃歸國和帝遵肅宗故事兄弟皆留京之師有司請選諸王歸蕃不忍許就

殊帝立乃國

千乘王伉伉子寵皆薨于京師子鴻嗣順帝即位始就國

魏任城王彰太祖之子文帝即王位彰與諸侯就國彰始以先

王見任有功異因此遂見授用而聞當隨例意甚不悅不待遣

而去

陳思王植黃初元年與諸侯並就國四年來朝是時待遇諸侯

法峻任城暴薨諸侯既懷友于之痛植及白馬王處還國欲同

路東歸以叙隔闕而監國使者不聽植發憤告離作詩以贈處

晉東平王楙為侍中與東安公繇善繇欲擅朝政與汝南王亮

不平亮以繇討楊駿顧望免繇楙等官遣楙就國又鎮下邳惠

帝西幸遣使者劉處即拜兗州刺史范陽王虓徙楙青州刺史

楙不受命虓遣將田徽擊破楙走就國

太原王輔武帝受禪初封渤海王泰始二年之國

下邳王冕泰始二年與太原王環之國瓌子河間王顥初襲父

爵咸寧二年就國

梁王彤武帝踐阼封梁王及之國遷北中郎將武帝咸寧初遣諸王之國獨平

原王幹有篤疾故特詔之留

樂安王鑿泰始中拜越騎校尉咸寧初以齊之梁鄒益封因之

國服侍中之服

汝南王亮由衛將軍侍中出為鎮南大將軍都督豫州諸軍事開府假節之國

楚王瑋初封始平王大康末徙封於楚出之國都督荊州諸軍事

趙王倫武帝受禪封琅邪王郡及之國行東中郎將

齊王攸為鎮軍大將軍侍中太子太傅武帝諸子並弱太子不令內外屬意於攸中書監荀最從容言於帝曰百僚內外皆歸心於齊王陛下試詔齊王之國必舉朝以為不可則臣言有徵侍中馮統又言曰陛下遣諸侯之國成五等之制者宜先從親始莫若齊王帝既信最言又納統說太康二年乃下詔曰古者

九命作伯或入毗朝政或出禦方嶽周之呂望五侯九伯實得征之侍中司空齊王攸明德清暢忠允篤誠以母弟之親愛台輔之任佐命立勲劬勞王室宜登顯位以稱具瞻其以為大司馬都督青州諸軍事侍中如故假節將本營千人親騎帳下司馬大車皆旧增鼓吹一部官騎滿二十置騎司馬五人餘主者詳按舊施行

獻秦王東為鎮西將軍西戎校尉假節與楚淮南王俱之國淮南王允初封濮陽王拜越騎校尉太康十年徙封淮南仍之國

東海王越蕩陰之敗奔于下邳竟陵王楙不納越乃還國後周宣帝大象元年五月以沼州襄國郡為趙國以齊州濟南

郡為陳國以豐州武當安富二郡為越國以潞州上黨郡為代
周以荊州新野郡為滕國邑各一萬戶今越王招陳王純越王
盛代王達滕王道並之國

新刊監本冊府元龜卷第二百六十八

新刊監本冊府元龜卷之二百六十九

宗室部八

委任 將兵

委任

春秋傳曰內姓選於親又不親不在外蓋明德之選異姓為後故有出

領方伯式遏外侮入踐樞宰允釐庶政或摠戎昭以扈蹕或司

留務而居守內外之寄於茲為重自非蘊忠力以純茂聳才望

而籍甚誠心篤固上所倚信風翰明允人用僉屬亦何以處股

肱之任而裁決萬機守宗稷之重而厭伏衆志者哉

漢楚元王交高祖同父少弟高祖至霸上封交為文信君從入

蜀漢還定三秦誅項籍即帝位交與盧縮常侍上出入卧内傳

郡為陳國以豐州武當安富二郡為越國以潞州上黨郡為代
周以荊州新野郡為滕國邑各一萬戶今越王招陳王純越王
盛代王達滕王道並之國

新刊監本冊府元龜卷第二百六十八

新刊監本冊府元龜卷之二百六十九

宗室部八

委任 將兵

委任

春秋傳曰內姓選於親

又不親不在外

蓋明德之選異姓為後故有出

領方伯式遏外侮入踐樞宰允釐庶政或摠戎昭以扈蹕或司
留務而居守內外之寄於茲為重自非蘊忠力以純茂聳才望
而籍甚誠心篤固上所倚信風翰明允人用僉屬亦何以處股
肱之任而裁決萬機守宗稷之重而厭伏眾志者哉

漢楚元王交高祖同父少弟高祖至霸上封交為文信君從入
蜀漢還定三秦誅項籍即帝位交與盧綰常侍上出入卧内傳

言語諸內事隱謀

後漢東平王蒼為驃騎將軍明帝每巡狩蒼常留鎮侍衛皇太后

吳侍中峻堅弟靜之曾孫也大帝臨薨受遺輔政領武衛將軍故典宿衛封都鄉侯

晉秦王東武帝子帝用王佐之謀遣東都督關中楚王璋淮南王允並鎮守要害以疆帝室

河南王顥代梁王彤為西將軍鎮關中石函之制非親不得都督關中顥於諸王為踈特以舉賢

嗣譙王恬宗室勲望有才用孝武帝時深伏之以為都督兗青冀幽并揚州之晉陵徐州之南北郡軍事領鎮北將軍青兗等

州刺史假節

宋臨川王義慶出為使持節都督荆雍益寧州居上流之重地廣兵強資實兵甲居朝廷之半故武帝使諸子居之義慶以宗室令美故特有此授

江夏王義恭孝武立加太尉錄尚書六條事及立太子東宮文案使先經義恭

當陽侯秉後廢帝時為散騎常侍丹陽尹與蕭道成袁粲褚淵分日入直決機事

南齊新吳侯景先高弟從子也為桂陽國右常侍高帝鎮淮陰景先以本官領軍士自隨防衛城內委以腹心

南豐伯赤斧高帝從祖弟也子穎胄為中書郎高帝以穎胄勲

戚子弟除左軍將軍知殿內文武事得入便殿

豫章王嶷居高帝喪不參朝務而言事密謀多見信納服闋加侍中

晉安王子懋武帝永明十一年為征北將軍雍州刺史給鼓吹一部豫章王以喪服未畢帝以邊州須威望許得奏之

始安王遙光鬱林王隆昌元年除車騎將軍南東海太守行南徐州事仍除南彭城太守將軍如故又除輔國將軍吳興太守明帝廢鬱林又除冠軍將軍南蠻校尉西中郎長吏南郡太守一歲之內頓五除並不拜是故帝欲即位誅賞諸事唯遙光共謀議明帝子弟弱小晉安王寶義有廢疾故以遙光為揚州居中遙欣居陝西在外權勢并其門遙欣勇聚畜武士以為形援

梁吳平侯景為人雅有風力長於辭令其在朝廷為眾所瞻仰於高祖屬雖為從弟而禮寄甚隆軍國大事皆與議決

後魏遼西公意烈坐事賜死子枝博知古今父雖有罪道武以枝連宗親委之心腹有計略屢效忠勤

文安公泥子屈與南平公長孫嵩白馬侯崔密等並決獄訟

安定王彌明元泰常中南巡為奚斤南討聲援詔彌與北新安同居守樂安王範之長子良太武之兄子也大武未有子嘗曰兄弟之子猶子也親撫養之長而壯勇多智常參軍國大許

東陽公丕為太尉求致仕詔不許及文成南伐丕與廣陵王羽留守京師並加使持節詔丕羽曰留守非賢莫可大尉年尊德重位摠阿衡羽朕之懿弟溫柔明斷故使二人留守京邑授茲

二節賞罰在手其祇允成憲以稱朕心丕對曰謹以死奉詔羽對曰大尉宜專節度臣但可副貳而已帝曰老者之智少者之決汝何得辭也孝文為太傅錄尚書事時車駕北巡就家拜授丕留守詔曰中原始構須朕營視在代之事一委太傅城陽王鸞為涼州刺史朝京會孝友南討領鎮將軍定都洛陽孝文幸鄴詔鸞留守

趙郡王幹領吏部尚書太妃韓氏薨孝文詔曰季代多務情緣理奪幹既居要任銓衡是荷豈容遂其私志致曠所司可遣黃門郎敦喻令勉從王事朕尋當與之相見拜使持節督南豫鄆東荆三州諸軍事征南大將軍開府豫州刺史及為司州牧孝文南討詔幹都督中外諸軍事給鼓吹一部甲士三百人出入

殿門

廣陵王羽為太子太保錄尚書事孝文將南討遣羽持節安撫六鎮發其突騎夷人寧悅還領廷尉卿車駕既發羽與太尉丕留守加使持節及遷都議定詔羽兼太尉告于宗社遷京之後北蕃人夷多有未悟羽鎮撫代京內外肅然帝嘉之

南陽王雍為中護軍行北鎮大將軍孝文南伐以雍行鎮軍大將軍搃攝留事

任城王澄為吏部尚書時常州刺史穆泰在州謀反推朔州刺史陽平王頤為主頤表其狀孝文召澄入見疑閑堂曰適得平陽表曰穆泰謀為不軌招誘宗室脫或必然遷京甫爾北人戀旧南北紛擾朕洛陽不立也此事非任城不辨可為我立疾向

北如其弱也直住擒翦若其勢強可承制發并肆兵以殄之此雖知王惠既是國家大事不容辭也澄曰泰等愚惑正戀本為此非有遠圖臣誠怯弱不憚是輦雖復患憊豈敢有辭謹當罄盡心力繼之以死願陛下勿憂帝笑曰得任城此行朕復何憂也遂授節銅虎竹使符御仗左右仍行常州事後遷右僕射南齊遣其太尉陳顥達入寇漢陽是時孝文不豫引澄入見清微堂詔曰顥達侵辭漢陽不安朕不親行莫據此賊朕疾患掩年氣力憊散如有非常委任城大事是役必須從朕澄涕泣對曰臣謹竭股肱之力畢命上報遂從駕南伐

澄子嵩孝明時為平南將軍表請伐梁詔曰所陳嘉謀深是良計如當機形可進任將軍裁之既而梁武尋克建業乃止

平陽王新成長子頤累遷懷朔鎮大將軍都督三道諸軍事比討詔徵赴京問戰伐之事對曰當仰仗廟筭使呼韓同渭橋之禮帝歎曰壯哉王言朕所望也

北海王詳從孝文南伐為散騎常侍帝自洛北巡詳常與侍中彭城王勰並在車輦陪侍左右又以詳行中領軍留守給鼓吹一部甲仗三百人兼督營構之務及宣武覽政遷侍中大將軍錄尚書事帝講武於鄴詳與右僕射高肇領軍于涇留守京師帝禮敬尚隆憑寄無輦軍國大事摠而裁決每所敷奏事皆協允

彭城王勰為司徒太子太傅侍中南齊將陳顥達內寇孝文親討之詔勰使持節都督中外諸軍事摠攝六師帝不豫勰辭曰

臣侍疾無暇六軍須有所託事不兩興情力又竭更請一王摠
當軍要帝曰戎務侍疾皆憑於汝牽痾如此吾深慮不濟安六
軍保社稷者舍汝而誰何容力更請人以違心寄宗社所賴唯
在於汝諸葛孔明異姓受託而况汝乎行次涇陽帝謂勰曰吾
患轉惡汝其努力及至馬圈帝疾甚謂勰曰脩短命也死生大
分今吾氣力危懼當成不濟矣雖敗顯達國家安危在此一舉
社稷所仗唯在汝身霍子孟以異姓受付况汝賢親可不勉也
乃手詔宣武曰吾百年之後其聽勰辭蟬捨冕遂其冲挹之性
也及宣武即位因以勰為宰輔勰頰口陳遺旨謂遂素懷宣武
對勰悲慟每不許之勰頰頰表聞辭義懇切帝難違遣勅遂其
雅情猶逼以外任乃以勰為使持節侍中都督冀定幽瀛營安

平七州諸軍事驃騎大將軍開府定州刺史勰仍陳讓乃面申
前意宣武固執不許乃述職又齊將陳伯之屯肥口勰往訂之
分命諸將頰戰伯之宵遁勰還京師帝臨東堂引見詔勰曰比
鳳鳥未至蒼黎二化故仰屈尊謨綏懷邊附而寇豎昏迷敢闕
淮楚叔父英略高明應機殄定凱旋今辰伏慰悲佇勰謝曰臣
忝充戎帥撫新安故而不能宣武導恩威懷遐邇致小豎伯之
驅率蟻徒處留邊堡非唯仰慙天顏實亦俯愧朝列春秋貴將
臣實當之賴陛下慈深捨過故使愚臣獲免罪責勰頰表辭大
司馬領司徒及所增邑乞還中山有詔不許乃除錄尚書侍中
司徒如故固辭不免勰雅好恬素不以勢利嬰心孝文重其事
幹繫維不許雖有遺詔復為宣武留連每幸情願常悽然歎息

以詔旨慤懃僂悅應命後又錄尚書侍中司徒大師勳遂固辭
詔曰蓋二儀分象君臣之位形焉上下既位唱和之義生焉自
古統天位之主曷嘗不賴明師仗賢輔而後變和陰陽彝倫民
物者哉往而不返者先民誠有之斯所謂獨善其身而亂大倫
山林之士耳賢人君子則不然也屈己以安民難身以濟物所
謂以先知覺後知同塵而與天下俱潔者也朕猥以冲年纂臨
寶歷實賴叔父拯濟之功誠宜永兼將相以綱維內外但逼奪
先旨憚違冲挹悅志割心以遂高素自此水旱乖和陰陽失序
是以屈王論道庶燮茲玉燭且師宰從容無廢清尚故周旦復
辟而居之尚父期頤以終位王義兼國家理絕獨高可遣侍中
敦喻宣武又修家人書於勰曰諱言奉還告承猶執冲遜諱實
應命

闇政術多批輔弼之寄仰屬親尊父德望兼重師訓所歸豈得
近遺國家遠崇清尚也便願紆降特副傾注之心勰不得已而
應命

常山王素孫暉宣武時為侍中領右衛將軍雖無補益深被親
寵凡在禁中要密之事暉別奉旨藏之於櫃唯暉入乃開其餘
侍中黃門莫有知者

北齊趙郡王琛初仕東魏為定州刺史及斛斯椿等豐結高祖
將謀內討以晉陽根本召琛留掌後事以為并肆汾大行臺僕
射領六州九酋長大郡督其相府政事琛悉決之

琛子叡小名湏援從文宣還晉陽時濟南以太子監國因立大
都督尚書府與尚書省分理衆事仍開府置佐顯祖特崇其選

乃除叡侍中攝大都督後因侍晏文宣從容顧謂常山王演等曰近來亦有如此長史不吾用此長史何如常山王對曰陛下垂心庶政優賢禮物須拔進吾蟬蛻之榮退當委要之職自昔以來實未聞如此銓授帝曰吾於此亦自謂得宜及世祖時為司空攝錄尚書事突厥嘗侵軼至并州帝親御戎六軍進止皆令取叡節度

清河王岳初仕東魏為晋州刺史西南道大都督得綏邊之稱時岳遇患高祖令還并治療疾瘳復令赴職及後爾朱兆猶據并州高祖將討之令岳留鎮京師遷驃騎大將軍儀同三司岳子勣文宣之從弟也初除青州刺史拜日文宣戒之曰叔父前牧青州甚有遺惠故遣汝慰彼黎庶宜好用心無墜聲績勣

流涕對曰臣以蒙幻濫叨拔擢雖竭庸愚惧忝先政帝曰汝既能有此言吾不慮也

後周廣川公測太祖長兄太祖為魏丞相以測為右長史委以軍國又令測詳定宗室昭穆遠近於屬籍歷位侍中開府儀同廣陵郡公孝伯字胡王測弟深之子其生與武帝同日大祖甚愛之養於第內及長又與武帝同學武帝嘗謂曰公與我猶漢高與盧綰也賜以十三環金帶自是常侍左右出入卧內朝務皆得預焉孝伯亦竭心盡力無所迴避至於時政得失外間細事皆奏聞帝信委之當時莫比及將誅晉公護密與衛王宜畜之唯孝伯及王軌字文神舉等頗得參預大軍東討拜內史下大夫令掌留臺事軍還帝曰居守之重無忝戰功於是加授大

將軍每車駕巡幸常執其手令居其中
齊瑒王憲大祖第五子晉公護執政時雅相親委及護誅高祖
召憲入免冕拜謝帝謂之曰天下者大祖之天下吾嗣守洪基
常恐失墜冢宰無君凌上將圖不軌吾所以誅之以安社稷汝
親則同氣休戚共之事不相涉何煩致謝乃召憲住護第收兵
符及諸簿籍等以憲為大冢宰

隋河間王弘高祖初為後周丞相常置左右委以心腹

觀德王雄高祖初為平王參預朝政貴寵冠絕一時與高穎虞
慶則蘇威稱為四貴

漢王諒為并州摠管高祖幸溫湯而送之自山以東至滄海南
抵黃河五十二州盡隸焉特許以便且不拘律令

越王侗仁謹元德太子少子煬帝諸孫也帝每巡幸侗常留守
東都

唐高祖義師初起授第四子巢王元吉大原郡守封姑臧郡公
尋進封齊國公授十五郡諸軍事鎮北大將軍留鎮大原許以
便宜行事

德宗貞元二年八月以睦王府長史嗣弼王則之為左金吾大
將軍初帝以沈房超為金吾謂宰臣曰朕不欲獨厚外戚亦選
宗室子有才行者獎拔之乃特用則之焉

梁太祖幸西京制加達昌宮使金紫光祿大夫檢校司徒守開
封尹博士友文為特進檢校太保使開封尹依前建昌宮使充
東都留守

將兵

詩曰太宗維翰蓋言宗室之藩屏王國也自成周之並建子弟
犬牙相錯維持夾輔載祀彌久秦漢而下或委以戎重或命之
征代或贊興王之業功參於締構或遏四夷之侮威宣於徼塞
所以肅清邦慝震焯王靈盤維之業亦云茂矣至有四郊多壘
金革未息爰命親賢兼領督帥慎擇副貳大署僚佐資其風望
以一群志茲亦同室懷柔之道漢家尊王之旨也

秦長安君成矯始皇弟也始皇八年以成矯將軍擊趙

公子扶蘇始皇長子也始皇三十五年使扶蘇北監蒙恬於上
郡

漢荆王賈高帝五年舉九江迎英布兵皆會陔下誅項籍帝因

使賈將九江兵與大尉盧縮西南擊臨江王共尉共教之子

燕王澤高祖十一年以將軍擊陳狝將黃封為陵侯

江都易王非初為潑南王吳楚反時非年十五有材氣上書自

請擊吳景帝賜非將軍印擊吳吳已破徙王江都治故吳國治謂

都之劉漢所居也

後漢順陽懷侯嘉光武族兄初隨更始征伐為偏將軍及攻破
宛封興德侯遷大將軍擊延岑於冠軍降之更始既都長安以
嘉為漢中王扶威大將軍持節就國都於南鄭衆數十萬

下博侯張齊王石之子永平十六年與奉車都尉竇固等並出
擊匈奴

魏任城王彰太高祖漢末代郡烏桓反彰行驍騎將軍討之悉

平
陳侯仁太祖從弟從太祖征伐有功累遷征南將軍文帝時孫
權遣將陳邵援襄陽使將軍高遷等從漢南附化民於漢北帝
遣使即拜仁大將軍又詔仁移屯臨穎遷大司馬復督諸軍據
烏江遷屯合肥

長平侯休太祖族子常從征伐文帝即位夏侯惇薨以休為鎮
南將軍假節都督諸軍事車駕臨送帝乃下輿執手而別

郡陵侯真太祖族子文帝黃初三年以真為上軍大將軍都督
中外諸軍事假節鉞與夏侯尚等征孫權擊牛渚屯破之

吳奮威將軍瑜堅季弟靜之子以恭義校尉始領兵衆是時賓
客諸將多江西人瑜虛心綏撫得其歡心建安九年領丹陽太

守為衆所附至萬餘人加綏遠將軍十一年與周瑜共討麻保
二屯破之後從大帝拒曹公於濡須帝欲交戰瑜說帝持重皇
帝不從軍果無功遷奮武將軍領郡如故自深陽徙屯牛渚

瑜弟征虜將軍皎始拜護軍校尉領衆二十餘人是時曹公數
出濡須皎每赴拒號為精銳遷都護征虜將軍伐程普督夏口
黃蓋及兄瑜卒又并其軍後呂蒙當襲南郡帝欲令皎與蒙為
左右部大都督蒙說帝曰若至尊以征虜能宜用之以蒙能宜
用蒙昔周瑜程普為左右部督共攻江陵雖事決於瑜普自恃
久將且俱是都督遂共不睦幾敗國事此目前之戒帝寤謝蒙
曰以卿為大都督命皎為後嗣擒關羽定荊州皎有刀焉

皎弟沙羨侯奐皎既卒奐代統其衆以陽武中郎將將領江夏

太守黃武五年大帝攻石陽負以地主使所部將軍解于丹帥
五千人先斷淮道自帥吳碩張良五千人為軍前鋒降高城得
二將大軍引還拜揚威將軍封沙羨侯卒子承嗣以昭武中郎
將大統兵領郡卒無子以庶弟壹奉負後襲業為將孫峻之誅
諸葛恪也壹與全熙施績攻恪弟公安督融融自殺壹從鎮南
廷鎮軍假節督夏口

平南將軍輔堅兄之子也以楊武校尉佐策平三郡策討丹陽
七縣使輔西屯歷陽以拒袁術并招誘餘民鳩合遺散又從策
討陵陽生得祖郎等策西襲廬江太守劉勲輔隨從身先士卒
有功後迁平南將軍

建德侯韶字公禮監族孫也為將軍屯京城後封建德侯權稱
尊號為鎮北將軍韶為邊將數十年善養士卒得其死力
丹徒侯桓年二十三拜安東中郎將與陸遜共拒劉備備軍衆
甚盛彌山盈谷桓投刃奮命與遜戮力備遂敗走桓斬上兜道
截其徑要備踰山越險僅乃得免恣志嘆曰吾昔初至京城桓
尚小兒而今迫孤乃至此也桓以功拜遠武將軍封丹徒侯奉
邑自置長吏

建昌侯慮字子智黃武七年封建昌侯後二年丞相雍等奏慮
性聰體達所向日新北方近漢宜進爵稱王帝未許久之尚書
僕射存上疏曰帝王之興莫不褒崇至親以光群后故魯衛於
周寵冠諸侯高帝五王封列子漢所以藩屏本朝為國鎮衛建
昌侯慮稟性聰敏才兼文武於古典制宜正名號陛下謙光未

肯如故群僚大小咸用於邑方今姦宄恣睢金鼓未弭腹心爪
牙惟親與賢輒與丞相雍等議咸以慮為鎮軍大將軍授任偏
方以光大業乃許之於是假節開府治丰州

晉陽義城王望字子初泰始中吳將施績寇江夏邊境騷動以
望統中將步騎二萬出屯龍陂為二方重鎮節度加大都督諸
軍事會荊州刺史胡烈距績破之望乃班師俄而吳將丁奉寇
苟陂望又率諸軍以赴之未至而奉退拜大司馬孫皓率眾向
壽春詔望統中軍二萬騎三千據淮北皎退軍罷

汝南王亮宣帝子為侍中撫軍大將軍領後軍將軍統冠軍步
兵射聲長水等宮

亮子衛將軍祐初從惠帝還洛以征南兵八百人給之特置四
部牙門永興初率眾依東海王越討劉喬有功拜揚武將軍
楚王瑋武帝第五子為衛將軍領北軍中侯譙王恬固子尚之
為前將軍允之為吳國內史恢之驃騎司馬丹陽尹休之襄城
大守各擁兵馬勢傾朝廷

南齊豫章王嶷太祖第二子宗末為侍中摠宮內直衛沈攸之
之難太祖入朝堂嶷出鎮東府加冠軍將軍袁粲舉兵之夕丹
陽丞王遜告變先至東府嶷遣帳中軍王戴元孫二千人隨薛
道淵等俱至石頭焚門之功元孫預焉

梁安成康王秀太祖子也高祖義師至新林諸王侯悉自收伏
來赴高祖以秀為輔國將軍是時東昏弟晉熙王寶嵩為冠軍
將軍南徐州刺史鎮京口長史范岫行府州縣事遣使請兵嵩

祖以秀為冠軍長史南東海太守鎮京口城建康平仍為使持節都督南徐兖州諸軍事南徐州刺史
臨川王宏高祖弟天監四年詔宏都督諸軍侵魏宏以帝之介弟所領皆器械精新軍容甚盛北人以為百數十年所未之有軍次洛口前軍剋梁城

吳平侯景高祖從父弟為南兖州刺史天監四年王師北伐景師衆出淮陽進屠宿豫景丁母憂詔起攝職

南康簡王績高祖子普通四年自南兖州刺史徵為侍中雲麾將軍領石頭戍軍事豫章王綜普通六年三月為鎮北將軍南兖州刺史權頓彭城摠督衆軍并攝徐州府事

鄱陽忠烈王恢齊明帝明為前軍主簿在京師高祖義兵至恢於新林奉迎以為輔國將軍三吳多亂高祖命出頓破崗建康平還為冠軍將軍右衛將軍

恢子範太清元年六月以前雍州刺史為征北將軍摠督漢北征討諸軍事

邵陵王綸高祖子太清二年八月為安前將軍開府儀同三司都督衆軍以討侯景

臨賀王正德太清二年八月為北平將軍都督諸軍京師屯丹陽郡以備侯景

陳逐吳縣侯詳字文幾少出家為桑門善書記談論清雅高祖討侯景召詳令反初服配以兵馬從京邑

南康王郡曇郎梁末為著作佐郎高祖濟江聞廣陵宿預人東

方先據鄉建義乃遣曇郎與杜僧明自淮入泗應赴之齊援大
至曇與僧明築壘抗禦尋奉命班師以宿預義軍三萬濟江高
祖誅王僧辯留曇郎鎮京口知留府事

宜黃縣侯惠紀字元方高祖從孫從平侯景杜龕除貞威將軍
通直散騎常侍宣帝太建十年吳明衛北討敗績以紀為持節
智武將軍緣江都督兗州刺史

臨海侯方慶南康愍王子也宣帝太建二年以廣州刺史馬靖
父居嶺表大得人心士馬強盛朝廷疑之至是以方慶為仁成
將軍廣州刺史以兵襲靖誅進踰宣義將軍

後魏秦明王翰昭成帝子有高氣年十五便請征伐昭成壯之
使領騎二千及長統兵號令嚴明多有剋捷

任城王澄孝文時為征北大將軍蠕蠕犯塞加澄使持節督北
討諸軍事以討之蠕蠕遁走鎮州刺史穆泰在州謀反推朔州
刺史陽平王頥為主頥表其狀孝文召澄入見疑問堂曰適得
平陽表曰穆泰謀為不軌招誘宗室脫或必然遷京甫爾北人
戀舊南北紛擾朕洛陽不立也此事非任城不辯可為我力疾
向北如其溺也直往擒翦若其勢強可乘制發并肆兵以殄之
雖知王患既是國家大事不容辭也澄曰泰等愚惑正革戀本
為此非有遠圖臣誠怯弱不憚是筆雖復患懼豈敢有辭謹當
罄尽心力繼之以死願陛下勿憂孝文笑曰得任城此行朕復
何憂也遂授鄴銅虎竹使符御仗左右仍行鎮州事及宣武時
澄為揚州刺史表請南伐詔發冀定瀛相并濟六州二萬人馬

一千五百匹令仲秋之中畢會淮南并壽陽先兵三萬委澄經略先是朝儀有南伐之意以蕭寶夤為東陽州刺史據東城陳伯之為江州刺史戍陽石以澄摠督二鎮授之節度至是勒兵進討以東關水峴嶮要若東關縱水陽石則合肥有急懸之切不圖大峴則歷陽有乘嶮之援淮陵陸道九山水路並宜經略北海王顥為車騎大將軍儀同三司時葛榮南進稍逼鄴城大武初以顥為侍中驃騎大將軍開府儀同三司相州刺史以禦榮

江陽王維為平北將軍鎮攝舊都高車酋師樹者權部民反叛詔繼都督北討諸軍事自懷朔已東悉稟繼節度

趙郡王幹為豫州刺史孝文南伐以幹為使持節車騎大將軍都督關右諸軍事給銅虎符十

高陽王端為安東將軍青州刺史是時梁將寇逼徐揚除端撫軍將軍金紫光祿大夫使持節東南道大使處分軍機

彭城王勰孝文時為侍中帝南伐以勰行撫軍將軍領宗子軍宿衛左右

梁郡公元嘉泰和三年十一月進爵為假王督二將出淮陰隴西公元琛督三將出廣陽

中山王英正始三年四月為征南將軍都督揚徐二道諸軍事指授邊將時郢州治中督榮祖潛引梁軍以義陽應之三關之戍並據城降梁郢州刺史馮暉嬰城自守懸剗城民白早生等殺豫州刺史馬司悅據城南降梁將齊苟仁率眾守懸剗悅子

尚華陽公主王并為所劫詔英使持節都督南征諸軍事假征南將軍出自汝南宣武引英謂之曰妾悅安御失和銓衡閭於簡授故使郢民引寇閔戍外奔義陽孤窘有倒懸之切王國之邵虎威名宿震故屈王親搃元戎掃氛穢者衛霍以匈奴之故居無寧歲今南疆不靖王不得以屢勞為辭也英對曰臣才非韓白識闇孫吳徒以宗室之長頻荷推轂之寄規略淺短失律喪師宜章子反之戮以謝天下陛下慈深念屢愛等鍾午使臣得同荀伯再生明世誓追孟氏復為後期閔郢微寇何足平殄滅賊方略已在臣目中願陛下勿勞聖惠也宣武曰截彼東南再清隋楚而望於將軍鍾離一青豈足以損大德今王董三軍朕無憂疾

北齊蘭陵武王長恭文襄子初為大尉與段韶討栢谷又攻定陽韶病長恭搃其衆前後以戰功別封鉅鹿長樂平高陽等郡公

後周晉蕩公護高祖時為大冢宰東征于齊詔曰神若軒皇尚云三戰聖如姬武且曰一戎孤矢之威干戈之用帝王大器誰能去兵太祖丕奉天明造我周室日月所照罔不率從高氏乘釁跋扈竊有并冀世濟其惡腥穢彰聞皇天震怒假手突厥驅略汾晉掃地無遺季孟勢窮伯珪日蹙坐待滅亡鑒之愚智故突厥班師仍屯彼境更集諸部傾國重來星流電擊數道俱進期在仲冬同會并鄴太冢宰晉公朕之懿昆任隆伊吕平一字宙惟公是屬朕當親執斧鉞庙庭祇授有司宜勅衆軍量程赴

集進止遲速委公處分於是徵二十四軍及左右廂散隸及秦隴巴蜀之兵諸蕃國兵二十萬人帝於廟庭授護斧鉞出軍東平郡公神舉宣政元年為司武上大夫高祖北伐令神舉與原國公姚願等率兵俱入雲陽班師至幽州人盧昌期等據范陽及詔神舉討擒之

隋衛昭王爽初高祖以為行軍元帥步騎七萬以備胡出平涼無虜而還

高都縣侯尚希初仕後周為司憲中大夫高祖摠百揆尉迥屯兵武陟遣高賢督宗室兵三千人鎮潼關

唐永安王孝基高祖從父弟武德二年劉武周將宋金剛來寇汾澮夏縣人呂崇茂殺縣令舉兵自稱衛王請於武周周以孝

基為行軍摠管討之
淮安王神通高祖從父弟隋末義師起與司竹賊何潘仁合勢下鄆縣衆踰一萬自稱關中道行軍摠管從高祖平京師武德元年為山東安撫大使擊宇文化及於衛縣竇建德既虜化及神通後為建德所陷及建德敗復授河北道行臺尚書左僕射從太宗平劉黑闥

神通子膠東郡公道彥貞觀中為岷州都督李靖之擊谷口渾也詔道彥為赤水道行軍摠管以討之

道彥季弟梁郡公孝逸光宅元年徐敬業據揚州作亂以孝逸為王鈴衛大將軍揚州行軍大摠管督軍以討之

河間王孝恭高祖從父兄子武德三年為葭州摠管令大造舟

揖習水戰以圖蕭銑尋授荆湘道行軍總管統水陸十二總管
六年輔公祐據江東發兵寇壽陽命孝恭為行軍元帥以擊之
淮陽王道玄高祖從父兄子武德初從太宗擊宋金剛王世充
竇建德以功拜洛州總管五年劉黑闥引突厥寇河北以道玄
為山東道行軍總管以討之

江夏王道宗道玄從父弟武德初從太宗討劉武周王世充有
功貞觀三年為大同道行軍總管與李靖破頡利可汗及吐谷
渾寇邊以李靖為崑丘道行軍大總管道宗副之

隱太子建成高祖子隋末義師起兵左領大都督引兵略西河

郡從平長安授軍大將軍東討元帥將兵十萬徇洛陽臣欽曰
若等事

武德元年以後
俱儲宮將兵門

巢王元吉高祖子武德四年為稷州刺史襄州道行臺尚書令

太宗征竇建德留元吉圍正世充於東都

榮王琬玄宗子天寶十四載十一月安祿山叛冊琬為元帥以

河西節度高仙芝為副元帥統諸軍以東征內出錢帛於京師

召募十萬衆號曰天武健兒旬日而集屯軍灞上旌旗營帳連

亘二十里照耀於原野

嗣辨王巨天寶中生與史敬忠相識於夷陵郡安置屬安祿山

反陷東都玄宗擇將帥十五載二月張洎襄陽追見禁中因奏

巨宗室中善騎射有謀略玄宗追至京遂以為譙郡太守攝御

史大夫河南節度使明日巨稱官銜奏謝玄宗驚曰何得令攝

即日詔兼御史大夫巨奏曰方今艱難忽為賊所詐召臣不知

何以取信玄宗勞木契分授之遂以巨兼領嶺南南陽三節度使

越王孫肅宗子代宗乾元二年詔充天下兵馬元帥應緣軍署置所司淮式

舒王謨代宗子德宗建中四年九月為揚州大都督持節荆襄江西沔鄂等道節度兼諸軍行營兵馬都元帥賜名誼改封晉王時李希烈悉眾攻襄城德宗將遣江西鄂岳之師進攻蔡州慮無統帥不能齊一乃命為以兵部侍郎蕭復為戶部尚書兼御史大夫元帥統軍長史曰令有行軍長史以復父名衡特更之又以新除潭州刺史菓父為右庶子兼御史大夫充行軍左司馬以山南東道節度行軍司馬檢校兵部侍郎兼御史大夫

樊澤為諫議大夫兼御史中丞行軍右司馬刑部員外郎劉從一為吏部郎中兼御史中丞侍御史韋儼為工部郎中兼御史中丞並為判官兵部員外郎高參為兵部郎中掌書記左金吾衛大將軍渾瑊為檢校工部尚書兼御史大夫為中軍虞侯江西節度使嗣曹王臯為前軍兵馬使鄂岳都團練使李兼為之副山南東道節度使賈耽為中軍兵馬使荆南節度使張伯儀充後軍兵馬使右神武軍將將軍王价為檢校太子賓客右衛將軍高承謙為檢校太子詹事司農少卿郭曙為檢校太子左子前秘書省著作郎當愿為檢校秘書少監并充押衙

輝王祚天復三年二月制為天下兵馬大元帥

嗣軍王

臣欽若等曰史闕名

景福二年制以為京西招討使神武大將軍

李議副之

通王史失其名乾寧三年二月制以為開府儀同三司判侍衛諸軍

事

梁郢王友珪開平四年十月檢校司徒充左右控鶴都指揮使兼管四蕃將軍乾化元年充諸軍都虞候

冀王友謙開平五年四月詔曰邠岐未滅關隴多虞宜擇親賢摠茲戎重應關西同雍化邠延夏等六道兵馬并委冀王收管指揮凡有抽差先申西面都招討使仍別奏聞庶合機權以寧

邊鄙

邵王友誨乾化元年以檢校兵部尚書充控鶴第二指揮使友寧字安仁太祖從子少習詩禮長喜兵法有倜儻之風太祖

鎮汴累署軍職每因出師多命駉果以從

友倫太祖仲兄存次子也帝愛其才氣錄為皇子署軍職領騎卒

後唐魏王繼岌莊宗子同光二年三月詔充諸道行營都統鄴都留守興聖宮使判六軍諸衛事伐蜀置中軍以梁漢顯充軍馬步都虞候兼中軍馬步都指揮事張廷蘊充中軍步軍都指揮使牛景章充中軍左廂馬軍都指揮使沈斌充中軍右廂馬軍都指揮使卓瓌充中軍左廂步軍都指揮使王贄充中軍右廂步軍都指揮使供奉官李從襲充四面行營中軍馬步軍都監押高品李廷安呂知柔充衛王衙通謁工部尚書任圜翰林學士李愚從魏王出征參預軍機

秦王從榮明宗子長興中以本官充天下兵馬大元帥

新刊監本冊府元龜卷之二百六十九

新刊監本冊府元龜卷之二百七十

宗室部九

文學

易之小蓄曰懿文德傳曰人不學不知道蓋閔子有將落之嘆
宣尼著無文之論是知學問之為益文辭之為功其至矣哉乃
有聯華帝裔分暉宗胄外膺維翰之寄居有敏德之美而能探
考載籍服膺師訓咨求鴻碩周旋儒雅以至貫通六藝多識前
言參預著作書法示後揆藻彰於敏麗屬辭尚乎體要炳焉英
發煥乎成章斯固茂公姓振振之風增時文郁郁之盛者也
周公旦武王之弟也多才多藝作七月鴟鴞之詩大誥微子之
命歸禾嘉禾康誥酒誥梓材召誥洛誥多士無逸君奭多方立

政及周官儀禮周頌等篇

漢楚元王高祖同父少弟也好書多材執時常與魯穆生白生

申公俱受詩於浮丘伯白生魯國塗里人伯者孫鄉門人也鄉孫

姓旬名况為楚國蘭陵令後封楚至國以穆生白生申公為中

大夫高后時浮丘伯在長安元王遣子郢客與申公俱卒業終

也文帝時聞申公為詩最精以為博士元王好詩諸子皆讀詩

申公始為詩傳號魯詩凡言傳者謂為解說元王亦次之詩傳

號曰先生詩次謂綴世或有之

梁懷王揖文帝少子好詩書帝愛之異於諸子

河間獻王德景帝子脩學好古實事求是務得事實每從是得

善書必為好寫之留其真真正也留金帛賜以招之由是四

方道術之人不遠千里不以千里為遠而自至或有先祖舊書多奉以奏

獻王者故得書多與漢朝等是時淮南王安亦好書所招致率

多浮辨獻王所得書皆古文先秦舊書周官尚書禮記孟子老

子之屬皆經傳說記七十子之徒所論其學舉六經立毛氏詩

左氏春秋博士脩禮樂被服儒術造次必於儒者山東諸儒多

從游武帝時王來朝獻雅樂對三雍宮辟雍明堂及詔策所問

三十餘事其對推道術而言得事之中文約指名又與毛生等

共采周官及諸子言樂事者以作樂記獻八份之舞與制氏不

相遠其內史丞王定傳之以授常山王禹成帝時為謁者數言

其儀獻王采禮樂古事稍稍增輯至五百餘篇

淮南王安厲王之長子也為人好書招致客方術之士數千人

作為內書二十一篇外書甚衆又有中篇八卷言神仙黃白之

術黃黃金白亦二十餘萬言武帝方好藝文以安屬為諸父辨

博善為文辭甚尊重之每為報書及賜賜謂時常詔司馬相如

等視草乃遣草謂為文初安入朝獻所作內篇新出上愛秘之

十二篇

陽丘侯偃齊悼惠王孫作賦十九篇

燕刺王旦武帝子博學經書雜記

廣川王去惠王越之子景帝孫也師受易論語孝經皆通好文

辭

紅侯富之子辟疆字少卿楚元王之孫也好讀詩屬文屬文謂

也武帝時以宗室子隨二千石論議冠諸宗室論議每出宗清

靜少欲常以書自娛不肯仕有賦八篇

陽城侯德辟疆子有賦九篇

德子向字子政辟疆之孫也本名更生既冠以行修飾擢為諫

議大夫是時宣帝循武帝故事招選名儒俊材置左右更生以

通達能屬文辭與王褒張子僑等並進對獻賦頌凡數十篇會

初立穀梁春秋更生復受穀梁講論五經於石渠成帝時向數

奏封事迂光祿大夫時帝元舅陽平侯王鳳為大將軍秉政倚

太后專國權兄弟七人皆封為列侯時數有大異向以為外戚

貴盛鳳兄弟用事之咎而帝方精於詩書觀古文詔向領校中

五經秘書言中外向見尚書洪範箕子為武王陳五行陰陽休

咎之應向乃集合上古以來歷春秋六國至秦漢符瑞災異之

說記推迹行事連傳禍福著其占驗比類相從各有條目凡十
一篇號曰洪範五行傳論奏之天子心知向忠精故為鳳兄弟
起此論也然終不能奪王氏之權向有賦三十三篇三子皆好
學長子伋以易教授官至郎守中子賜九鄉丞早卒向少子歆
字子駿少以通詩書屬文召見成帝詔為黃門郎河平中受詔
與父向領校秘書講六藝傳記諸子詩賦數術方技無所不究
哀帝初即位大司馬王莽以歆宗室有材行為侍中太中大夫
貴幸復領五經卒父前業歆乃集六藝郡書種別為七略歆及
向始皆治易宣帝時詔向授穀梁春秋十餘年大明習及歆校
秘書見古文春秋左氏傳歆大好之時丞相史尹咸以能治左
氏與歆共校經傳歆略從咸及丞相翟方進受質問大義初左

氏傳多古言學者傳訓故而已故謂指趣也及歆治左氏引傳文以

解經轉相發明由是章句義理備焉歆亦湛淨有謀父子俱好
古傳見疆志志記也過絕於人

淮陽縣王欽宣帝子也好經書法律聰達有材作賦二篇

後漢劉般宣帝之玄孫王莽敗與母流轉至武威雖尚少而篤
志修行講誦不怠其母及諸舅以為身寄絕域死生未必不宜
苦精若此數以曉般猶不改其業建武八年隗囂敗河西始通
般即將家屬東至洛陽脩經學於師門

沛王輔光武子也矜嚴有法度好經書說哀氏易孝經論語傳
及孟識作伍經論時號之曰沛王通論

東平王蒼光武子少好學書為驃騎將軍是時中興三十余年

四方無虞蒼以天下化平宜脩禮樂乃與公卿共議定南北郊冠冕車服制度及光武庙登歌八佾舞數明帝以所作光武本紀示蒼蒼因上光武受命中興頌帝甚嘉之以其文典雅特令校書郎賈逵為之訓詁及薨章帝詔詔中傳封上蒼自建武以來章奏及所作書記賦頌七言別字歌詩並集覽焉

之史官

順陽懷侯嘉光武族兄也與伯昇俱學長安習尚書春秋

甘里侯敏光武昆弟通經有行

臨邑侯復光兄伯昇孫也好學能文章永平中每有講學事輒令復典掌焉與班固賈逵共述漢史傳毅等皆宗事之復子騶

駘及從兄平望侯毅並有才學永寧中鄧太后召毅及騶駘入東觀與謁者僕射劉珍著中興以下名臣烈士傳騶駘又自造賦頌書論凡四篇

北海敬王睦光武兄伯昇孫也少好學博通書傳光愛之數被延納明帝之在東宮尤見幸待入寺諷誦出則執轡性好讀書常為愛翫能屬文作春秋旨義終始論及賦頌數十篇

平望毅侯北海敬王子也毅少有文辨稱安帝時著漢德論十三篇時劉珍鄧耽尹允馬融共上書稱其美安帝嘉之

濟南王香光武曾孫也篤行好經書

陳敬王羨明帝子博涉經書有威嚴與諸儒講論於白虎殿

劉梁宗室子孫常疾世多利交以邪回相黨乃著破群論時之

覽者以為仲尼作春秋亂臣知懼今此論之作俗士豈不愧心
其文不存又著辨和同之論孫植亦以文才知名外曰
魏陳思王植字子建武帝子也年十歲讀誦詩論及辭賦數十
萬言善屬文帝視其文謂植曰汝倩人邪植跪曰言出為論下
筆成章願當面試柰何倩人時鄴銅爵臺新成帝悉將諸子登
臺使各為賦植援筆立成可觀太祖甚異之明帝時植薨詔撰
錄前後所著賦頌詩銘雜論凡百篇餘副藏內外傳抄諸書
中山恭王衮武帝子也少好學十餘歲能屬文每讀書文學左
右常恐以精力為病數諫止之然性所樂不能廢也每兄弟游
娛衮獨譚思經典為北海王時黃龍見鄴西漳水衮上書贊頌
凡所著文章二萬餘言才不及陳思王而好與之作

吳孫瑜堅季弟之子好樂墳典雖在戎旅誦聲不絕
孫丞好學有文章作螢火賦行於世
晉安平獻王孚宣帝次子也博涉經史漢末喪亂與兄弟處危
亡之中葷食瓢飲而閱不勸

扶風王駿宣帝子也幼聰惠五六歲能書疏諷誦經籍見者奇
之能著論與荀顛論仁孝先後文有可稱

南陽王睦宣帝弟恭之子也少好學與宣帝及范陽王廙俱有
稱於宗室

南陽王世子保字景度少有文義好述作范陽王廙宣帝弟康
王緩之子也少好學馳譽妍考經記清辨能言論以宗室選拜
散騎常侍

東安王繇宣帝子武王伸之次子也博學多才

齊獻王攸文帝子也少而岐嶷及長清和平允親賢好施愛經籍能屬文善尺牘為世所措才望出武帝之右宣帝每器之為太子太傅獻箴於太子世以為工

高陽王睦子彪出繼宣帝弟敏少篤學不倦專精學習故得博覽群籍終其綴集之務注莊子作九州春秋為續漢書又條譙周古史考中凡百二十二事為不當多據汲冢紀年之義亦行家於世

宋江夏王義恭武帝子也涉獵文義孝武時每有祥瑞輒上賦頌撰要記五卷起前漢訖晉太元表上之詔付秘閣

臨川王義慶武帝弟子也撰徐州三賢傳十卷奏上之又擬班

固典叙以述皇代之美義慶性好義文辭雖不多足為宗室之表招聚文學之士近遠必至所著世說十一卷撰集林二百卷並行於世文帝與義慶書常加意斟酌

南平穆王鐸文帝第四子也少好學有文才未弱冠掇古三十餘首時人以為亞迹陸機

建平宣簡王宏文帝第七子也少而閑素篤好文籍

宏子景素少有父風素好文章書籍

晉熙王昶文帝第九子也前廢帝子業立懼禍奔於魏昶雖學不淵洽覽子史前後表啓皆其自製魏朝嘉重之

南齊豫章王嶷高帝二子也嶷有子十六人有文學者子恪子質子顥子雲子暉五人子恪常謂所親曰文史之事諸弟備之

矣不煩吾復牽率但退食自公無過足矣子恪少亦涉學頗屬
文隨弃其本故不傳文集山陰百七十六人古文卷
子范子恪之弟也為南平從事中郎王使製千字文其辭甚美
王命記室蔡遠注釋之自是府中文筆皆使其草及為簡皇后
哀策文集三十卷子滂確並少有文章

子顯好學工文嘗著鴻序賦尚書令沈約見而稱曰可謂明道
之高致蓋幽通之流也梁武帝雅愛子顯才又加其容止吐納
嘗從容謂曰我造通史此書若成衆史可廢顯對曰仲尼讚易
道黜八索述職方除九丘聖製符同復在茲日時以為名對又
啓撰武帝集并普通北代記為國子祭酒於學述武帝五經
義子顯嘗為自序其略云余為邵陵王友忝還京師遠思前比

即楚之唐宋梁之嚴鄒追尋平生頗好辭藻雖在名無成求心
已足若乃登高目極臨水送歸風動春朝月明秋夜早鴈初鶯
開花落葉有求斯應每不能已也且前代賈傳崔馬邯鄲戰繆路
之後並以文章顯所以屢上歌頌自比古人天監六年始預九
日朝宴稠人廣坐獨受旨云今雲物甚美卿將不斐然賦詩詩
既成又降旨曰可謂才子餘退謂人曰一顧之恩非望而至遂
方賈誼何如哉未易當也每有製作特寡思功湏其自来不以
力構少來所為詩賦則鴻序以作體兼衆製文備多方頗為好
事所傳故虛聲易遠子顯所著後漢書一百卷齊書六十卷晉
通北代記五卷貴儉傳三卷文集二十卷
子顯子愷才學譽望時論以方其父簡文在東宮早引接之時

中庶子謝嘏出守建安於宣猷堂餞飲並召時才賦詩同用十五劇韻愷特先就其辭又羨簡文與湘東王令曰王均本自舊手後進有蕭愷可稱信為才子先是太學博士顧野王奉令撰玉篇簡文嫌其書詳略未當以愷博學於文字尤善使更與學士刪改

子雲顯之弟子也建武中封新浦縣侯自製拜章便有文彩梁天監初降爵為子長勤學有文采弱冠撰晉書至年二十六書成百餘卷表奏之詔付祕閣為太子舍人撰東宮新記奏之梁初郊廟未革牲牲樂辭皆沈約撰至是承用子雲啓宜改之勅荅曰此是主者守株宜急改也仍使子雲撰定勅曰郊廟歌辭應須典誥大語不得雜用子史文章淺言而沈約所撰亦多舛

謬子雲作成勅並施用

子暉子雲之弟也少涉學亦有文才未嘗預重雲殿聽制講三惠經退為講賦奏之甚見貴重

武陵王暉高帝第五子也與諸王共作短句詩與謝靈運以呈帝帝報曰見汝二十字諸兒作中最高為優者但康樂放蕩作体不辨首尾安士衡深可崇尚顏延之抑其次也

鄱陽王鏘高帝第十七子性謙慎好文章

始興王鑑高帝第十子好學善屬文

衡陽王鈞高帝第十一子性好善善屬文琅邪王智深以文章相會濟陽江淹亦游焉武帝謂王儉曰衡陽王須文學當使華寔相稱不得止取貴游子弟而已乃以太子舍人蕭敷為文章

鈞常手自寫五經部為一卷置於巾箱中以備遺忘侍讀賀玠
問曰殿下家自墳典復何須蠅頭細書別藏巾箱中答曰巾箱
中有五經既易蓄且一經手寫則求不忘諸王聞而爭效為巾
箱五經

江夏王鋒高帝十二子也十歲能屬文武帝時藩邸嚴急諸王
不得讀異書五經之外唯得看孝子菑而已鋒乃密使人於市
里街巷買菑籍菑月之間殆將備矣

穎胄高帝從子之子也好文義弟穎好勇武世祖登烽火樓詔
群臣賦詩穎胄詩合旨帝謂穎胄曰卿文弟武宗室便不乏才
典江公暹欣高帝諸孫也年十六便博覽經史
幾字德立暹欣之子年十歲便能屬文作楊公詩沈約見而奇

之子清亦有文才湘東王寶暉安陸昭王子也為左衛將軍明
帝兄弟一門皆尚吏事寶暉粗好文章

竟陵王子良武帝第二子也永明五年移居鷄籠山西邸集學
士抄五經百家皇依覽列為四部要略十卷令司徒右長史陸
惠曉參知事子良所著内外文筆數十卷雖無文彩多是勸戒
晉安南王懋武帝七子也謙讓好學撰春秋列苑三十卷奏之
世子勅付秘閣

隨郡王隆武帝第八子也性和美有文才娶尚書令王儉女為
妃武帝以子隆能屬文謂儉曰我之家東阿重出實為皇家藩
屏

昭胄子良之子也泛涉書史有父風

賁昭胄之弟也幼好學有文才好著述嘗著西京雜記六十卷
梁長沙宣文王懿文帝長子也懿之子藻少立名行志操清潔
善屬文辭尤好古體自非公燕未嘗忘有所為縱有小文成輒
弃本王制左帝第八子也趙時美自文十變尚書今王制
駿操從子也工文章

安成康王秀文帝第七子也精意術學搜集經記招學士平原
劉孝標使撰類苑書未及畢而已行於世魏無文齊文宣
世子機家多書博學強記所著詩賦千言世祖集而序之
機弟推少清敏好屬文所親賞南平襄王偉文帝第八子也幼
清警好學製性情幾神等論魏文宣
靜偉子也有文才而篤志好學既內足於才多聚經史散書滿

席手自雉校

鄱陽湖烈王恢文帝第九子也年七歲通孝經論語義芬摘魚
遺長涉獵史籍

範恢子也既和有氣識愛竒玩古招集文才率意題章亦時有
竒致

宜豐侯脩範弟也局力貞同氣儀嚴整九歲通論語十一能屬
文鴻卿裴子野見而賞之

始興中武王憺文帝第十一子也憺子映年十二為國子生天
監十七年詔諸生答策宗室則否帝知映聰解特令問又對並
見竒謂祭酒袁昂曰吾家千里駒也

上黃侯暉映弟也美談吐簡文入居監撫暉猷儲德頌

吳平侯景子勵弱不好弄聚書至三萬卷披玩不倦尤好東觀漢記略皆誦憶劉顥執卷勵酬應如流乃至卷次行數策亦不差失

長沙嗣王棄武帝長兄懿之子也幼而明敏有文集行於世入孝嚴弃子也聰明有文才射策甲科除秘書郎太子舍人從幸華林園於座獻相風鳥幸華光殿景陽山等頌其文甚美相祖深賞異之

南康簡王續武帝第四子也續子會理少聰慧好文史通理會理之弟也博覽多識有文才嘗祭孔文奉墓并為立碑製文甚美

邵陵雋王綸武帝第六子也少聰穎博學善屬文工尺牘嘗預餞衡州刺史元慶和於座賦詩十二韻末句方同廣川國寂寞久無聲大為武帝所賞曰汝人才如此何慮無聲確綸之次子也有文才除秘書丞武帝謂曰為汝能文所以特有此授

武陵王紀武帝第八子少勤學有文才屬詞不好輕華甚有骨氣

尋陽王大心簡文帝第二子也幼而聰明善屬文

南海王大臨簡文帝第四子也少而敏慧後入國學明經射策甲科

大連大臨之弟少俊爽能屬文與大臨入國學明經射策甲科並從高祖行朱方高祖對汝等騎習不對曰臣等未奉詔不敢

輒習勅各給馬試之大連兄弟據鞍往還各得馳驟之節高祖
大悅即賜所策馬及為啓謝文辭甚美
安陸王太春簡文帝第六子也少博涉書記

西陽王太鈞性厚重年七歲武帝問讀何書對曰讀詩曰令諷
誦即誦周南音韻清雅

忠壯世子方等元帝長子也性愛林泉特好散逸嘗著論曰人
生處世如白駒過隙耳一壺之酒足以養性一簞之食足以怡
形生在蓬蒿死葬溝壑瓦棺石槨何以異茲吾嘗夢為魚曰化
為鳥當其夢也何樂如之及其寤也何憂斯類良由吾之不及
魚鳥者遠矣故魚浮鳥飛任其至性吾之進退常在掌握牽手
惧觸搖足恐墜若使吾終得與魚鳥同遊則去人間如脫屣耳

方等注范曄後漢書未就所撰三十國春秋及靜注子行於世
大園簡文帝二十子也元帝嘗自問五經要史數十條大園辭
約指明應答無滯帝甚歎美之因曰昔河間好學爾既有之臨
淄好文爾亦兼之然東平為善彌高前載吾重之愛之爾當効
焉

方諸元帝第二子也幼聰警博學明老易

後梁安成王欣幼聰警博綜墳籍善屬文後入周曰與柳信言
當明帝之世俱為一時文宗有集三十卷

陳衡陽獻王昌高祖第六子也雅性聰辯

吳郡杜之偉授昌以經書一覽便誦明於義理剖析如流
永陽王伯智世祖第十二子也少敦厚有器局博涉經史

新蔡王叔齊高宗第十一子也風彩明瞻博涉經史善屬文
晉熙王叔文高宗第十二子也好虛譽博涉經史

淮南王叔彪高宗第十三子也少聰慧善屬文

嶽陽王叔慎高宗第十六子少聰敏十歲能屬文後主尤愛之
文章叔慎衡陽伯信新蔡王叔齊等日夕陪侍每應詔賦詩常
被嗟賞

南康愍王曇卽子方慶少清警涉獵書傳

魏魏河間公齊烈帝之玄孫也齊之孫志少清辯覽書傳頗有
文才
東陽公丕文帝諸孫也孝文時車駕南伐留守京師及帝還代
丕請作歌詔許之歌訖帝曰公傾朕還車故親歌述之今經構

既有次第故暫還舊京願後時同前茲適

秦明王翰昭成子也翰子孤使於慕容垂末年政在群下遂
幸代都次于上黨之銅鞮山路旁有松樹十數根時孝文進繼
遂行而賦詩令人示勰曰吾作詩雖不七步亦不言遠汝可作

之比至吾所可就之也時勰去帝十餘步遂且行未至帝所而

就詩曰問林松林松經幾冬山川何如昔風雲與古同帝大笑

曰汝此詩亦調責吾耳又從孝文征沔北大破梁軍帝令勰為
露布勰辭曰臣聞露布者布於四海露之耳目必須揄揚宣略

威示天下以臣小才豈足大用帝曰汝以為才達但可為之及

就類帝文有人見者咸謂御筆帝曰汝所為者人謂吾製非兄
則弟誰能辯之勰對曰子夏被嗤於先聖臣又荷責於今來又

敦尚文史物務之暇披覽不輟撰自古帝王賢達至於魏世子孫三十卷名曰要略

清河王懌孝文子也博涉經史兼綜群言有文才善談理為顯忠錄二十卷

京兆王愉孝文子也好文章頗著詩賦時引才人守世景季神雋祖營刑晏王遵業張始均等共申晏喜招四方儒學賓客嚴懷真等數十人館而禮之

北齊襄城景王清神武第八子也清子亮性恭孝文章

河南康獻王孝瑜文襄長子也謙厚愛文學讀書敏速十行俱下

河間王孝琬文襄第三子琬之子正禮幼聰穎能誦左氏春秋

齊亡廷繇州卒

趙郡王琛後主子也琛之子勸勵也勤學常夜久方罷世祖時為大尉久典朝政清貞文守譽望日隆漸被疎忌乃撰古之忠臣義士號曰要言以致其意

後周齊殤王憲太祖第五子少與高祖受詩傳咸綜機要得其指歸嘗以兵書繁廣難求指要自刊之為要略五篇至是表乃陳高祖高祖覽而稱善

貴殤之子也少聰敏涉獵經史始讀孝經便謂人曰讀此一經是以立身之本

宋獻王震文帝子也幼而敏達年十歲誦孝經論語毛詩尚書趙僭王招文帝子也幼聰穎博涉群書好屬文學庾信休詞多

輕豔

滕簡王迥文帝次子也少好經史解屬文所著文集頗行于世
隋高祖族弟子崇少好學涉獵書記

士達高祖族子少聰敏有學行

滕穆王瓚好書愛士甚有令名瓚子溫字明籀作事從容溫厚
好學解屬文既而作零陵賦以自寄其辭哀思帝見而怒之轉
徙南海

燕王倓字仁安元德太子昭之次子敏慧好讀書尤重儒素造
次所及有若成人

唐江夏王道宗高祖從父兄子也晚年好學為當代所重

漢王元昌高祖第七子也少好學

韓王元嘉高祖第十一子也少好學聚書至萬卷又採碑文古
迹多得異本

霍王元軌高祖第十四子也少多才藝太宗謂魏徵曰卿以元
軌前代誰比徵曰經學文雅亦漢之間平也前後為刺史至州
唯閉閣讀書吏事責成長史司馬

鄧王元裕高祖第十七子好學善談名理

魯王靈蕞高祖第十九子有美譽好學

吳國公孝逸淮安王神通子也少好學解屬文

濮王泰太宗第四子少喜屬文太宗以泰好士愛文學特令就
府別置文學館士自引招學貞觀十二年奏請撰括地志遂奏
引著作郎蕭德言秘書郎顧裔記室參軍蔣亞卿功曹參軍謝

偃等就府修撰成五百五十卷奏上太宗閱而嘉之乃下詔曰
地記之說由來尚矣區外具於山海經內陳於夏載職方王制
終季淮夷漢志晉國略紀群國自茲以降著作實繁或學非博
通多所遺闕或地分南北互有短長求其折中無聞盡善左武
侯大將軍雍州都督魏王泰休業貞固風鑒凝邈學綜衆所文
冠詞林樂善表於夙夜好士彰於吐握討論墳典群言儒雅博
採方志得之於舊聞旁求故老考之於傳信內殫九服外極八
荒憲章之規條目有序戎夏之域今古無遺簡而能周傳而尤
要足以度越前載垂之不朽宜加褒錫以申獎勵可賜物一萬
段其書且付秘閣初泰好學受文章司馬蘇勗以自古英王多
引賓客以述為美遂勸泰表請修撰詔許之於是大開館宇廣
居時後衛尉供帳光祿給食朝士學涉者多被奏迫赴貴遊子
弟更相因致人物臻臻門庭若市泰稍悟過盛欲其速成於是
分道計州被檢疏錄至是凡四年盡成撰緝之人咸加給頒賜
黃國公撰韓王元嘉子讓少以文才見知弘文館學士孟利貞
嘗稱讓文章云雖禘之周思茂亦不能過也諸王子中與琅邪
王冲為一時之秀冲與讓子父書籍最多皆文句詳定秘閣所
不及也號王鳳玄孫則之少以宗室歷官試大常丞太僕以鄉
及長好學年五十餘常執經詣大學聽受

穎王璵玄宗第十三子讀書有文詞

永王璘玄宗第十六子聰敏好學

後唐秦王從榮為詩與從事高輦等更相唱和自謂章句獨步

於一時有詩千餘首號曰紫府集既受元帥之命即令寮佐及
四方遊士至者各試檄淮南書陳已將廊清宇宙之意

新刊監本冊府元龜卷之二百七十



